

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 106. sjednici, održanoj dana 15.08.2017. godine, d o n o s i

ZAKLJUČAK

I.

Utvrđuje se Prijedlog Zakona o naučnoistraživačkoj djelatnosti.

II.

Prijedlog Zakona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 02-11641 /17.
Datum, 15.08.2017. godine
Z e n i c a

DOSTAVLJENO:

Ix Ministarstvo za obrazovanje, nauku, kulturu i sport,

☒ Stručna služba Skupštine,
I x a/a.



PREMIJER

Miralem Galijašević

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na _____ sjednici, održanoj dana _____ 2017. godine, donosi

Z A K O N O NAUČNOISTRAŽIVAČKOJ DJELATNOSTI

DIO PRVI - OSNOVNE ODREDBE

Član 1.

(Predmet Zakona)

Ovim zakonom utvrđuje se poseban interes Zeničko-dobojskog kantona (u daljem tekstu: Kanton) u oblasti nauke i tehnologije, osnovni principi naučnoistraživačke djelatnosti, finansiranje naučno-istraživačke djelatnosti, način izrade i sadržaj Strategije razvoja naučnoistraživačke djelatnosti, formiranje Vijeća za nauku Kantona, nosioci naučnoistraživačke djelatnosti i postupak osnivanja naučnoistraživačkog instituta, organi naučnoistraživačkog instituta, naučnoistraživačko osoblje, nadzor nad provedbom ovog zakona, obaveze nadležnih organa u oblasti naučnoistraživačke djelatnosti i druga pitanja od značaja za obavljanje naučnoistraživačke djelatnosti na području Kantona.

Član 2.

(Gramatička terminologija)

Gramatička terminologija korištenja muškog i ženskog roda za pojmove korištene u ovom zakonu uključuje oba roda.

Član 3.

(Definicija naučnoistraživačke djelatnosti)

Naučnoistraživačka djelatnost predstavlja sistematski stvaralački rad na usvajanju novih znanja s ciljem podizanja općeg civilizacijskog nivoa društva i korištenje tih znanja u svim oblastima društvenog i privrednog razvoja, uključujući i razvoj nauke i tehnologije i njihovu primjenu.

Član 4.

(Poseban interes za Kanton i ostvarivanje posebnog interesa)

- (1) Naučnoistraživačka djelatnost je od posebnog društvenog interesa za Kanton.
- (2) Poseban interes i strateški ciljevi u naučnoistraživačkoj djelatnosti na području Kantona, u smislu ovog zakona, ostvaruju se putem:
 - a) stvaranja mogućnosti za intenzivni i usklađeni razvoj nauke i tehnologije;
 - b) stvaranja uslova za podsticanje naučnoistraživačke djelatnosti koji je u funkciji tehnološkog, inovacionog i ukupnog društveno-ekonomskog razvoja;
 - c) usmjeravanje društva ka inovacijama i podizanjem opšteg nivoa tehnologija u privredi i obezbjeđivanje konkurentnosti robe i usluga na domaćem i svjetskom tržištu;
 - d) podsticanje pronalazaštva, inovacija i zaštita intelektualnog vlasništva;
 - e) utvrđivanja osnovnih principa koordinacije naučnoistraživačke djelatnosti;
 - f) povezivanja planova razvoja naučnoistraživačke djelatnosti sa strategijom razvoja privrednih kapaciteta;
 - g) međunarodne naučne saradnje;
 - h) školovanja i usavršavanja novih generacija naučnika na visokoškolskim ustanovama u Kantonu, Bosni i Hercegovini ili inozemstvu;

- i) ostvarivanja saradnje naučnoistraživačkih i visokoškolskih ustanova s odgojno-obrazovnim ustanovama i ustanovama iz oblasti kulture;
- j) unapređenja sistema naučno - tehnoloških informacija;
- k) razvoja istraživačke infrastrukture prema međunarodnim standardima;
- l) reinvestiranja u industrijsko istraživanje;
- m) realizacije naučnoistraživačkih programa u skladu sa Strategijom razvoja naučnoistraživačke djelatnosti Kantona i Bosne i Hercegovine;
- n) provođenja aktivnosti na popularizaciji nauke i naučnoistraživačke djelatnosti.

Član 5.

(Principi)

- (1) Naučnoistraživačka djelatnost zasniva se na principu povezanosti osnovnih, primijenjenih i razvojnih istraživanja, osposobljavanja i usavršavanja kadra za naučnoistraživačku djelatnost.
- (2) Naučnoistraživačka djelatnost u Kantonu zasniva se na sljedećim principima:
 - a) slobodi i autonomiji stvaralaštva;
 - b) širenju i produbljivanju naučnih saznanja;
 - c) konkurentnosti naučnih programa i projekata;
 - d) primjeni međunarodnih standarda i međunarodnih mjerila kvaliteta u oblasti nauke;
 - e) decentraliziranom uređenju i policentričnom organiziranju u oblasti nauke;
 - f) javnosti rada i rezultata tog rada koji su podložni naučnoj i stručnoj kritici;
 - g) etičnosti naučnoistraživačkog osoblja;
 - h) saradnji s domaćim i međunarodnim institucijama u oblasti nauke i istraživanja;
 - i) povezanosti sa sistemom visokog obrazovanja i odgojno-obrazovnim ustanovama na svim nivoima;
 - j) zaštiti intelektualnog vlasništva, ljudskih prava, te lične i opće sigurnosti;
 - k) brizi za održivi razvoj i zaštitu okoliša;
 - l) potrebama privrednog i društvenog razvoja;
 - m) poticanju i uvažavanju specifičnih sadržaja od značaja za Kanton i Bosnu i Hercegovinu;
 - n) povećanju efikasnosti naučnoistraživačke djelatnosti.

Član 6.

(Sloboda naučnoistraživačke djelatnosti i oblasti djelovanja)

- (1) Naučnoistraživačka djelatnost ne podliježe nikakvim ograničenjima ili formalnim zahtjevima osim onih koji proizilaze iz poštivanja standarda i etičnosti u naučnoistraživačkoj djelatnosti. zaštite ljudskih prava, zaštite lične i opće sigurnosti na radu, kao i zaštite okoliša.
- (2) Naučnoistraživačka djelatnost realizuje se u oblasti: prirodnih nauka, inženjeringa i tehnologije, medicinskih i zdravstvenih, poljoprivrednih, društvenih i humanističkih nauka, kao i interdisciplinarnih istraživanja.

Član 7.

(Rezultat naučnoistraživačke djelatnosti)

- (1) Naučni i tehnološki razvoj ima prioritetan značaj za razvoj Kantona i sastavni je dio međunarodnog, posebno evropskog naučnoistraživačkog prostora.
- (2) Rezultati naučnoistraživačke djelatnosti mogu biti:
 - a) naučni i stručni rad objavljen u referentnom naučnom časopisu;
 - b) naučna knjiga ili monografija;
 - c) originalni naučni ili pregledni članak;

- d) naučni elaborat i izvještaj,
 - e) saopštenje ili rad objavljen u zborniku s naučnog skupa;
 - f) pozivno predavanje na naučnom skupu;
 - g) objavljena naučna kritika ili polemika;
 - h) leksikografska ili enciklopedijska jedinica;
 - i) kartografska publikacija;
 - j) magistarski i doktorski rad;
 - k) nova sorta, patent, tehnička rješenja, nove metode, novi materijali te novi tehnološki postupak.
- (3) Rezultati naučnoistraživačke djelatnosti treba da sadrže elemente izvrsnosti i inovacija, tj. novih spoznaja i novih primjena, a vrednuju se objavljivanjem u naučnim publikacijama ili provjerom u praksi.

Član 8.

(Ostvarivanje naučnoistraživačke djelatnosti)

- (1) Naučnoistraživačka djelatnost obuhvata i ostvaruje se povezivanjem osnovnog, primjenjenog i razvojnog istraživanja te osposobljavanjem kadra za obavljanje naučnoistraživačke djelatnosti.
- (2) Osnovno istraživanje podrazumijeva teorijski i eksperimentalni rad usmjeren ka novim spoznajama radi dobijanja naučno primjenjivih istraživanja s dugoročnim ciljevima primjene.
- (3) Primjenjeno istraživanje je stvaralački rad usmjeren ka dobijanju naučno primjenjivih rezultata.
- (4) Razvojno (stručno) istraživanje, je stvaralački rad zasnovan na znanjima i rezultatima stečenim osnovnim ili primijenjenim istraživanjima, odnosno praktičnom iskustvu, koji je, prije svega, usmjeren na uvođenje novih ili znatno poboljšanje postojećih postupaka, proizvoda i usluga.
- (5) Osposobljavanje kadra za obavljanje naučnoistraživačke djelatnosti, u smislu ovog zakona, podrazumijeva podršku i stvaranje uslova za sticanje akademskih i naučnoistraživačkih zvanja odnosno sticanje novih i proširivanje stečenih znanja.
- (6) Naučnoistraživačku infrastrukturu čine objekti i oprema za obavljanje naučnoistraživačke djelatnosti (laboratorije, postrojenja, ispitne stanice, biblioteke, naučno izdavaštvo i drugo).

Član 9.

(Osiguranje finansijskih sredstava za naučnoistraživačku djelatnost)

- (1) Sredstva za podršku naučnoistraživačkoj djelatnosti osiguravaju se u godišnjem iznosu od najmanje 0,5% budžeta Kantona.
- (2) Finansiranje naučnoistraživačke djelatnosti obezbjeđuje se i iz drugih izvora, odnosno:
 - a) intelektualnih usluga;
 - b) od prihoda ostvarenih prodajom proizvoda specifičnih zahtjeva i laboratorijskih usluga;
 - c) donacija, sponzorstava;
 - d) projekata i ugovora s domaćim i stranim istraživačkim ustanovama i od konsultantskih aktivnosti, neformalnog obrazovanja i certificiranja osoblja traženih i deficitarnih zanimanja;
 - e) sredstava privrednih društava, ustanova i udruženja;
 - f) sredstava apliciranja na sredstva domaćih i međunarodnih fondova.
- (3) Sredstva iz stava (1) ovog člana biće utrošena u skladu sa Strategijom razvoja naučnoistraživačke djelatnosti, očuvanje i razvoj ukupnih naučnoistraživačkih potencijala (naučnoistraživačke infrastrukture, opreme i naučnoistraživačkih kadrova) te poticanje naučnoistraživačkih i istraživačko-razvojnih projekata koji se realiziraju u saradnji s privredom i u međunarodnoj saradnji, a 5% od ovih sredstava namijenjena su za podršku projektima koji su od posebnog interesa za Kanton.

- (4) Nacrt odluke o utvrđivanju kriterija za utrošak sredstava utvrđuje Vijeće za nauku na osnovu kojeg ministar izrađuje prijedlog odluke i dostavlja Vladi Zeničko-dobojskog kantona na usvajanje (u daljem tekstu: Vlada Kantona).
- (5) Za namjene iz stava (3) ovog člana sredstva se, u skladu s odlukom iz stava (4) ovog člana dodjeljuju u postupku javnog oglašavanja od strane Ministarstva za obrazovanje, nauku, kulturu i sport (u daljem tekstu: Ministarstvo).

Član 10.

(Nagrada za naučna dostignuća)

- (1) Skupština Kantona može dodjeljivati kantonalnu nagradu za značajne rezultate u naučnoistraživačkoj djelatnosti.
- (2) Broj i visina nagrada, način predlaganja, kriteriji i postupak dodjele nagrada utvrđuju se posebnom odlukom Skupštine Kantona.

DIO DRUGI - STRATEGIJA RAZVOJA NAUČNOISTRAŽIVAČKE DJELATNOSTI

Član 11.

(Izrada i sadržaj Strategije razvoja naučnoistraživačke djelatnosti)

- (1) U svrhu ostvarivanja strateških ciljeva, definiranja smjernica i prioriteta naučnog i tehnološkog razvoja Kantona i Bosne i Hercegovine, odnosno ostvarivanja posebnog interesa u naučnoistraživačkoj djelatnosti, donosi se i provodi Strategija razvoja naučnoistraživačke djelatnosti.
- (2) Strategija razvoja naučnoistraživačke djelatnosti se usaglašava sa Strategijom razvoja Kantona i strateškim dokumentima na nivou Bosne i Hercegovine i Federacije Bosne i Hercegovine.
- (3) Strategija razvoja naučnoistraživačke djelatnosti predstavlja osnovu za podsticanje i realizaciju naučnoistraživačke i istraživačko-razvojne djelatnosti u Kantonu i donosi se svakih pet godina.
- (4) Strategija za razvoj nauke sadrži osnovne principe, ciljeve, smjernice i prioritete naučnog i tehnološkog razvoja, s posebnim osvrtom na:
 - a) ciljeve koji se u ovoj oblasti žele dostići na nivou Kantona;
 - b) naučne oblasti, polja i grane/uže oblasti koje treba posebno razvijati i materijalno podržavati radi dostizanja ciljeva u razvoju Kantona i Bosne i Hercegovine;
 - c) prioritetne potrebe u naučnoistraživačkoj djelatnosti i prioriteti ulaganja u naučnoistraživačke i istraživačko-razvojne projekte u narednom petogodišnjem periodu;
 - d) definiranje časopisa i publikacija čije je izdavanje od posebnog interesa za Kanton;
 - e) program podrške za naučnoistraživačku infrastrukturu;
 - f) program podrške za osposobljavanje kadra za naučnoistraživačku i istraživačko-razvojnu djelatnost i za usavršavanje naučnika od interesa za Kanton;
 - g) ostale odrednice koje su od značaja u kreiranju strategije i politike u nauci i naučnoistraživačkoj djelatnosti (period ažuriranja i redefiniiranja ciljeva koji se žele doseći u narednom petogodišnjem periodu, program razvoja sistema naučnih informacija i objavljivanja dostignuća naučnoistraživačke djelatnosti, program učešća u međunarodnim naučnoistraživačkim i istraživačko-razvojnim projektima i drugo).

Član 12.

(Izrada i usvajanje Strategije razvoja naučnoistraživačke djelatnosti)

- (1) Nacrt Strategije razvoja naučnoistraživačke djelatnosti izrađuje Vijeće za nauku i dostavlja ga Ministarstvu.
- (2) Strategiju razvoja naučnoistraživačke djelatnosti donosi Skupština Kantona Zeničko-dobojskog kantona (u daljem tekstu: Skupština Kantona) na prijedlog Vlade Kantona.

DIO TREĆI - VIJEĆE ZA NAUKU

Član 13.

(Osnivanje i rad Vijeća za nauku)

- (1) S ciljem praćenja i unapređenja stanja u oblasti nauke i tehnologije u Kantonu osniva se Vijeće za nauku kao stalno, savjetodavno stručno tijelo Ministarstva.
- (2) Vijeće za nauku podnosi izvještaj o svom radu i stanju u oblasti naučnoistraživačke djelatnosti Vladi Kantona jednom godišnje.
- (3) Ministarstvo može od Vijeća za nauku zatražiti dostavu određenih informacija ili stavova s prijedlogom mjera za unapređenje stanja u oblasti naučnoistraživačke djelatnosti.

Član 14.

(Imenovanje Vijeća za nauku)

- (1) Članove Vijeća za nauku imenuje Vlada Kantona na prijedlog Ministarstva iz reda istaknutih naučnika koji se biraju u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13).
- (2) Predsjednika i zamjenika predsjednika Vijeća za nauku biraju članovi Vijeća na izornoj sjednici.
- (3) Vijeće se sastoji od sedam članova i to:
 - a) šest članova istaknutih naučnika s akreditovane visokoškolske ustanove ili naučnog instituta registrovanog na području Kantona, pri čemu se vodi računa o zastupljenosti temeljnih naučnih oblasti;
 - b) jedan član iz reda istaknutih inovatora s područja Kantona koji je upisan u Registar istraživačkih djelatnosti u Zeničko-dobojskom kantonu (u daljem tekstu *Registar*).
- (4) Za predsjednika Vijeća za nauku imenuje se kandidat u zvanju naučnog savjetnika ili redovnog profesora.
- (5) Mandat zamjenika predsjednika prati mandat predsjednika Vijeća za nauku.
- (6) Članovi Vijeća za nauku imenuju se na period od četiri godine, uz mogućnost još jednog imenovanja.
- (7) Član Vijeća za nauku ne može biti rektor univerziteta, dekan organizacione jedinice univerziteta, direktor naučnoistraživačkog instituta i direktor visoke škole.
- (8) Poslovníkom o radu utvrđuje se način rada, sazivanje sjednica, odlučivanje i druga pitanja bitna za rad Vijeća za nauku.
- (9) Administrativne poslove za potrebe Vijeća za nauku obavlja sektor za oblast visokog obrazovanja i nauke u sastavu Ministarstva.

Član 15.

(Naknada za rad Vijeća za nauku)

- (1) Članovi Vijeća za nauku imaju pravo na naknadu u zavisnosti od provedenih aktivnosti i ostvarenih rezultata na realizaciji poslova iz nadležnosti Vijeća za nauku.
- (2) Rješenje o iznosu naknade donosi Vlada Kantona.

Član 16.

(Nadležnosti Vijeća za nauku)

Vijeće za nauku je nadležno da:

- a) daje preporuke i mišljenja s ciljem razvoja, finansiranja i unapređenja stanja u oblasti nauke i tehnologije u Kantonu;
- b) izrađuje Nacrt Strategije razvoja naučnoistraživačke djelatnosti;

- c) prati provođenje Strategije razvoja naučnoistraživačke djelatnosti u Kantonu i daje preporuke i mišljenja Ministarstvu prilikom donošenja provedbenih akata (akcioni planovi, smjernice i sl.);
- d) daje mišljenje o međusobnoj povezanosti Strategije razvoja naučnoistraživačke djelatnosti u Kantonu i Strategije razvoja visokog obrazovanja Kantona i potrebi njihovog usklađivanja;
- e) vrši procjenu stanja u oblasti naučnoistraživačke djelatnosti i oblasti visokog obrazovanja te daje preporuke ministru u pogledu preduzimanja mjera i aktivnosti za unapređenje stanja u oblasti nauke i visokog obrazovanja u Kantonu;
- f) daje mišljenje u vezi sa strateškim pravcima budućeg rada i djelovanja visokoškolskih ustanova u oblasti naučnoistraživačke djelatnosti i visokog obrazovanja;
- g) predlaže Ministarstvu aktivnosti u oblasti naučnoistraživačke djelatnosti i visokog obrazovanja;
- h) priprema i po zahtjevu ministra izrađuje nacрте strateških dokumenata i podzakonskih akata u oblasti nauke;
- i) priprema i Ministarstvu predlaže instrumente za statističko praćenje stanja u oblasti nauke i tehnologije u Kantonu;
- j) daje preporuke o učešću Kantona u programima Evropske unije iz oblasti nauke i tehnologije;
- k) daje preporuke u pogledu podrške projektima u oblasti nauke i tehnologije od posebnog interesa za Kanton;
- l) daje mišljenje u vezi s ostvarivanjem međunarodne saradnje u oblasti nauke i tehnologije;
- m) daje preporuke u pogledu definiranja sistema naučnoistraživačkih informacija u skladu s međunarodnim standardima;

Član 17.

(Prijevremeno razrješenje)

- (1) Vlada može razriješiti člana Vijeća za nauku i prije isteka vremena na koje je imenovan, i to:
 - a) u slučaju gubitka sposobnosti za izvršavanje obaveza člana Vijeća za nauku;
 - b) ako uredno i savjesno ne ispunjava obaveze člana Vijeća za nauku;
 - c) ako svojim djelovanjem i ponašanjem povrijedi ugled Vijeća za nauku;
 - d) na vlastiti zahtjev.
- (2) Obrazloženi prijedlog za utvrđivanje postojanja okolnosti za razrješenje člana Vijeća za nauku ministru može podnijeti predsjednik ili tri člana.
- (3) Utvrđivanje postojanja okolnosti za razrješenje člana Vijeća za nauku može pokrenuti i ministar.

DIO ČETVRTI - NOSIOCI NAUČNOISTRAŽIVAČKE DJELATNOSTI I POSTUPAK OSNIVANJA NAUČNOISTRAŽIVAČKOG INSTITUTA

Član 18.

(Nosioci naučnoistraživačke djelatnosti)

- (1) Naučnoistraživačku djelatnost na području Kantona obavljaju:
 - a) akreditovane visokoškolske ustanove kao ustanove s organizacionim jedinicama registrovane na području Kantona;
 - b) naučnoistraživački instituti kao ustanove registrovani na području Kantona;
 - c) akademsko, naučnoistraživačko osoblje i inovatori upisani u *Registar*;
- (2) Na naučnoistraživačke institucije primjenjuju se opći propisi o ustanovama, ako ovim zakonom nije drugačije propisano.

Član 19.

(Osnivač naučnoistraživačkog instituta)

- (1) Naučnoistraživački institut može osnovati domaće odnosno strano pravno i fizičko lice, u svim oblicima svojine, u skladu sa zakonom.
- (2) Naučnoistraživački institut mogu osnovati dva ili više osnivača, u kom slučaju se njihova međusobna prava, obaveze i odgovornosti utvrđuju ugovorom koji se zaključuje u pisanoj formi.
- (3) Naučnoistraživački institut kao javnu ustanovu može osnovati Skupština Kantona, samostalno ili zajedno sa fizičkim ili pravnim licima, na prijedlog Vlade Kantona.

Član 20.

(Postupak osnivanja)

- (1) Postupak osnivanja naučnoistraživačkih instituta kao organizacionih jedinica u okviru visokoškolske ustanove na području Kantona obavlja se na način i u postupku propisanim Zakonom o visokom obrazovanju.
- (2) Postupak osnivanja naučnoistraživačkih instituta kao ustanova vrši se na način propisan ovim zakonom.
- (3) Uslovi za osnivanje naučnoistraživačkog instituta iz stavova (1) i (2) ovog člana, propisani su ovim zakonom.
- (4) Osnivač naučnoistraživačkog instituta kao ustanove Ministarstvu podnosi zahtjev za osnivanje, uz koji obavezno prilaže elaborat o opravdanosti osnivanja.
- (5) Elaborat o opravdanosti osnivanja naučnoistraživačkog instituta obavezno sadrži: podatke o osnivaču, sjedište i naziv, strateške ciljeve, opis i preciznu razradu djelatnosti, strateški program naučnih istraživanja, plan organizacijskog razvoja, kadrovsku i infrastrukturnu opremljenost i izvore finansiranja i finansijski plan.
- (6) U postupku osnivanja naučnoistraživačkog instituta kao ustanove podnosilac zahtjeva je obavezan ispred zvaničnog naziva instituta dodati odrednicu „Naučnoistraživački institut“.

Član 21.

(Elaborat o opravdanosti osnivanja naučnoistraživačkog instituta)

- (1) Vlada Kantona za javnu ustanovu, odnosno osnivač naučnoistraživačkog instituta, formira ekspertnu komisiju koja će pripremiti elaborat o opravdanosti osnivanja naučnoistraživačkog instituta.
- (2) Članovi ekspertne komisije su iz naučne oblasti za koju se osniva naučnoistraživački institut.
- (3) Elaborat sadrži dokaze o opravdanosti osnivanja naučnoistraživačkog instituta, kao i dokaze da su ispunjeni propisani uslovi za osnivanje i rad naučnoistraživačkog instituta.
- (4) Elaborat se podnosi Ministarstvu sa zahtjevom za donošenje rješenja o ispunjenosti uslova za početak rada.

Član 22.

(Odluka Skupštine i rad komisije matičara)

- (1) Odluka Skupštine Kantona, po zahtjevu za osnivanje javne ustanove, ili odluka Ministarstva, po zahtjevu za osnivanje privatne ustanove mora biti donesena najkasnije u roku od šest mjeseci od dana podnošenja Ministarstvu urednog zahtjeva iz člana 20. stav (4) ovog zakona.
- (2) Odluka Skupštine Kantona ili odluka Ministarstva iz stava (1) ovog člana je konačna i putem Ministarstva dostavlja se osnivaču.
- (3) Nakon što Skupština Kantona ili Ministarstvo donese odluku kojom se daje saglasnost za osnivanje naučnoistraživačkog instituta kao ustanove, osnivač imenuje komisiju matičara, čiji sastav treba biti u skladu s odredbama ovog zakona koje se odnose na izbor u naučna i istraživačka zvanja, koja obavlja sljedeće poslove:

- a) donosi statut;
 - b) objavljuje konkurs i vrši izbor u naučna i istraživačka zvanja u skladu sa zakonom;
 - c) objavljuje konkurs za izbor direktora;
 - d) objavljuje konkurs i vrši izbor članova upravnog odbora naučnoistraživačkog instituta kao ustanove;
 - e) preduzima ostale potrebne aktivnosti u procesu ispunjavanja uslova neophodnih za početak rada i daljnji rad naučnoistraživačkog instituta kao ustanove;
 - f) dostavlja osnivaču izvještaj o ispunjenosti uslova potrebnih za početak rada i daljnji rad naučnoistraživačkog instituta kao ustanove s obrazloženim kalendarom aktivnosti i datumom početka rada.
- (4) Nakon što komisija matičara dostavi izvještaj da je izvršila zadatke iz stava (3) ovog člana, osnivač donosi akt o osnivanju naučnoistraživačkog instituta kao ustanove.

Član 23.

(Provjera ispunjenosti uslova od strane stručne komisije)

- (1) Uz zahtjev za provjeru ispunjenosti uslova za početak rada osnivač naučnoistraživačkog instituta kao ustanove Ministarstvu dostavlja:
 - a) odluku Skupštine Kantona za javnu ustanovu, odnosno odluku Ministarstva za privatnu ustanovu o davanju saglasnosti na elaborat o opravdanosti osnivanja naučnoistraživačkog instituta;
 - b) odluku osnivača o osnivanju naučnoistraživačkog instituta kao ustanove;
 - c) usvojen statut;
 - d) dokaz da ima najmanje deset zaposlenika iz reda naučnoistraživačkog osoblja od kojih najmanje 30% zaposlenika sa stepenom doktora nauka i izborom u zvanje iz odgovarajuće naučne oblasti i najmanje 30% zaposlenika sa stepenom magistra i izborom u zvanje iz odgovarajuće naučne oblasti;
 - e) dokaz da su izvršeni izbori u naučna i istraživačka zvanja u skladu s ovim zakonom i statutom;
 - f) dokaz da je osnivač obezbijedio prostor, opremu i sredstva u skladu s podnesenim elaboratom;
 - g) dokaz o uplati sredstava za troškove rada stručne komisije
- (2) Ispunjenost uslova provjerava se kod osnivanja naučnoistraživačkih instituta kao organizacione jedinice u okviru visokoškolske ustanove i kod osnivanja naučnoistraživačkog instituta kao ustanove.
- (3) Po prijemu zahtjeva, Ministarstvo imenuje članove stručne komisije za provjeru ispunjenosti uslova za početak rada naučnoistraživačkog instituta kao ustanove, koja broji najmanje pet članova, i to tri iz reda istaknutih naučnika i stručnjaka iz odgovarajuće oblasti sadržane u elaboratu, jednog predstavnika osnivača naučnoistraživačkog instituta kao ustanove te jednog inspektora za oblast obrazovanja i nauke, (u daljem tekstu: Inspekcija), iz Ministarstva.
- (4) Stručna komisija razmatra zahtjev, procjenjuje dokaze i na licu mjesta vrši provjeru ispunjenosti uslova propisanih ovim zakonom i pravilnikom iz stava (7) ovog člana.
- (5) Nakon što stručna komisija provede postupak u skladu s rješenjem o imenovanju, podnosi izvještaj o svom radu ministru s mišljenjem o ispunjenosti propisanih uslova za početak rada.
- (6) Na osnovu rješenja o ispunjenosti uslova za početak rada, koje donosi ministar, novoosnovani naučnoistraživački institut kao ustanova upisuje se u *Registar*.
- (7) Postupak upisa i brisanja iz Registra, kao i ostala pitanja bitna za postupak osnivanja i daljnji rad naučnoistraživačkog instituta kao ustanove uredit će se posebnim pravilnikom koji donosi Ministarstvo.

Član 24.

(Registar istraživačkih djelatnosti u Zeničko-dobojskom kantonu)

- (1) Registar sadrži podatke o:
 - a) naučnicima, istraživačima i inovatorima;
 - b) naučnoistraživačkim organizacijama;
 - c) naučnoistraživačkim projektima;
 - d) infrastrukturnim ulaganjima u nauku u kantonu.
- (2) Način vođenja Registra uređuje Ministarstvo.

DIO PETI – ORGANI NAUČNOISTRAŽIVAČKOG INSTITUTA

Član 25.

(Organi naučnoistraživačkog instituta)

- (1) Organi naučnoistraživačkog instituta kao ustanove su: upravni odbor i direktor.
- (2) Stručni organ naučnoistraživačkog instituta jeste naučno vijeće.
- (3) Naučnoistraživački institut može imati i druge stručne organe za vođenje poslovanja ili nadzorne organe, čije se osnivanje, sastav i nadležnosti uređuju osnivačkim aktom i statutom.
- (4) Organi naučnoistraživačkih instituta kao organizacionih jedinica u okviru visokoškolske ustanove na području Kantona propisani su Zakonom o visokom obrazovanju.

Član 26.

(Upravni odbor)

Organ upravljanja naučnoistraživačkim institutom kao ustanovom je Upravni odbor.

Član 27.

(Sastav, broj i mandat)

- (1) Upravni odbor naučnoistraživačkog instituta kao javne ustanove ima pet članova i čine ga predstavnici akademskog i neakademskog osoblja.
- (2) Upravni odbor naučnoistraživačkog instituta kao javne ustanove imenuje Vlada Kantona a čine ga tri člana iz reda osnivača koji se biraju u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13) i dva člana, koje predlaže naučno vijeće, iz reda istraživača zaposlenih u institutu.
- (3) Statutom se bliže utvrđuje sastav i broj članova upravnog odbora privatne naučnoistraživačke ustanove, te način njihovog izbora, odnosno imenovanja i razrješenja.
- (4) Mandat članova upravnog odbora je četiri godine.
- (5) Članovima upravnog odbora naučnoistraživačkog instituta pripada naknada za rad u upravnom odboru u visini koju utvrdi osnivač.

Član 28.

(Djelokrug upravnog odbora)

Upravni odbor obavlja poslove utvrđene zakonom, aktom o osnivanju i statutom naučnoistraživačkog instituta, a naročito:

- a) donosi statut naučnoistraživačkog instituta, donosi akt kojim se utvrđuje način obračuna plaća i drugih primanja u javnom naučnoistraživačkom institutu te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom naučnoistraživačkog instituta;
- b) utvrđuje planove finansiranja i razvoja;

- c) donosi godišnji program rada naučnoistraživačkog instituta na prijedlog naučnog vijeća;
- d) imenuje i razrješava direktora naučnoistraživačkog instituta na obrazloženi prijedlog naučnog vijeća;
- e) usmjerava, kontrolira i ocjenjuje rad direktora u domenu finansijskog poslovanja;
- f) odlučuje o korištenju sredstava za rad u skladu sa statutom;
- g) odgovara osnivaču za rezultate rada naučnoistraživačkog instituta;
- h) odlučuje o prigovoru zaposlenika na odluke organa naučnoistraživačkog instituta koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- i) najmanje jednom godišnje podnosi osnivaču izvještaj o poslovanju naučnoistraživačkog instituta;
- j) obavlja i druge poslove u skladu sa zakonom, aktom o osnivanju i statutom.

Član 29.

(Direktor naučnoistraživačkog instituta)

- (1) Direktor naučnoistraživačkog instituta je organ rukovođenja institutom.
- (2) Direktora instituta nakon provedene procedure javnog konkursa, bira naučno vijeće naučnoistraživačkog instituta, i u formi obrazloženog prijedloga, uz prethodnu saglasnost osnivača, dostavlja Upravnom odboru na konačno imenovanje.
- (3) Direktor instituta bira se na mandatni period od četiri godine uz mogućnost još jednog izbora.
- (4) Isto lice može biti imenovano za direktora na dva uzastopna mandata.
- (5) Uslovi i postupak izbora direktora naučnoistraživačkog instituta uređuju se statutom naučnoistraživačkog instituta u skladu sa zakonom.

Član 30.

(Naučno vijeće)

- (1) Naučnoistraživački institut ima naučno vijeće kao stručni organ.
- (2) Naučno vijeće čine svi naučnici i određeni broj istraživača tog naučnoistraživačkog instituta, kao i određeni broj lica sa stepenom doktora nauka, koji imaju izbor u naučno zvanje, a koji nisu zaposlenici u tom naučnoistraživačkom institutu.
- (3) Statutom se uređuje sastav i broj članova naučnog vijeća, način njihovog izbora, odnosno imenovanja i razrješenja.

Član 31.

(Zadaci Naučnog vijeća)

Naučno vijeće, kao stručni organ:

- a) Priprema i utvrđuje programe naučnoistraživačke djelatnosti i prati njihovo ostvarivanje;
- b) Utvrđuje naučnoistraživačke projekte, određuje voditelje projekata, daje odgovarajuće smjernice, prati njihovu izradu i ocjenjuje kvalitet ostvarenih projekata;
- c) Vrš izbor u naučna i istraživačka zvanja;
- d) Predlaže Upravnom odboru izbor i razrješenje direktora naučnoistraživačkog instituta;
- e) Vodi brigu o osposobljavanju kadra za naučnoistraživačku djelatnost i o usavršavanju naučnika;
- f) Vodi brigu o nabavci i održavanju naučnoistraživačke infrastrukture;
- g) Razmatra, odlučuje i daje mišljenje o drugim naučnim i stručnim pitanjima, u skladu s statutom.

DIO ŠESTI - NAUČNOISTRAŽIVAČKO OSOBLJE

Član 32.

(Naučnici, istraživači i inovatori)

- (1) Naučnik je lice izabrano u naučno zvanje, pod uslovima i po postupku utvrđenom ovim zakonom, kao i lice izabrano u akademsko zvanje docenta, vanrednog profesora i redovnog profesora dodijeljeno shodno odredbama Zakona o visokom obrazovanju.
- (2) Istraživač je lice izabrano u istraživačko zvanje pod uslovima i na način utvrđen ovim zakonom, kao i lice izabrano u saradničko zvanje dodijeljeno shodno odredbama Zakona o visokom obrazovanju.
- (3) Inovator je lice koje je primjenom inventivnog pristupa rješavanju problema stvorilo jednu ili više inovacija, a koje su patentirane kod Instituta za intelektualno vlasništvo BiH ili u patentnom uredu neke druge države.

Član 33.

(Naučna i istraživačka zvanja)

- (1) Naučna zvanja u smislu ovog zakona su:
 - a) naučni savjetnik;
 - b) viši naučni saradnik;
 - c) naučni saradnik.
- (2) Istraživačka zvanja u smislu ovog zakona su:
 - a) istraživač savjetnik;
 - b) viši istraživač saradnik;
 - c) istraživač saradnik;
- (3) Ukoliko se na visokoškolskoj ustanovi ukaže potreba za sudjelovanjem naučnoistraživačkog osoblja koje je izabrano na osnovu ovog zakona u realizaciji nastavnog procesa i sudjelovanju u radu komisija, tim licima se za vrijeme trajanja angažmana, bez priznavanja naučnoistraživačkog zvanja kao akademskog zvanja koje je dodijeljeno shodno odredbama Zakona o visokom obrazovanju, priznaje samo uživanje prava članova akademskog osoblja u vezi s izvođenjem nastavnog procesa odnosno rada u komisiji, i to:
 - a) istraživaču saradniku priznaju se prava asistenta;
 - b) višem istraživaču saradniku priznaju se prava višeg asistenta;
 - c) istraživaču savjetniku priznaju se prava višeg asistenta;
 - d) naučnom saradniku priznaju se prava docenta;
 - e) višem naučnom saradniku priznaju se prava vanrednog profesora;
 - f) naučnom savjetniku priznaju se prava redovnog profesora.
- (4) Za vrijeme sudjelovanja u realizaciji nastavnog procesa naučnoistraživačko osoblje ne stiče akademsko zvanje.

Član 34.

(Minimalni uslovi za izbor u naučna i istraživačka zvanja)

- (1) Minimalni uslovi za izbor u naučna i istraživačka zvanja su:
 - a) za *istraživača saradnika*: završen stepen prvog ciklusa, s najmanje 240 ECTS bodova i ostvarena najniža prosječna ocjena 8,0 (osam) ili 3,5 (tri i po);
 - b) za *višeg istraživača saradnika*: završen stepen drugog ciklusa (magisterij), s najmanje 300 ECTS bodova i ostvarena najniža prosječna ocjena 8,0 (osam) ili 3,5 (tri i po) na oba ciklusa studija;

- c) za *istraživača savjetnika*: završen stepen drugog ciklusa (magisterij), s najmanje 300 ECTS bodova i ostvarena najniža prosječna ocjena 8,0 (osam) ili 3,5 (tri i po) na oba ciklusa studija, objavljena najmanje 3 (tri) recenzirana naučna rada iz odgovarajuće oblasti;
 - d) za *naučnog saradnika*: naučni stepen doktora nauka u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja;
 - e) za *višeg naučnog saradnika*: proveden najmanje jedan izborni period u zvanju naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja;
 - f) za *naučnog savjetnika*: proveden najmanje jedan izborni period u zvanju višeg naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uslovima za izbor u naučna zvanja.
- (2) Pravilnik o minimalnim uslovima za izbor u naučna zvanja donosi Ministarstvo, u skladu s Uputstvom o metodološkom okviru i principima za izradu Pravilnika o minimalnim uslovima za izbor u naučna zvanja („Službeni glasnik BiH“, broj: 47/12).

Član 35.

(Oduzimanje zvanja)

- (1) Naučnoistraživačko zvanje može biti oduzeto ako se dokaže da je lažno ili na temelju falsifikata naveden neki od uslova za izbor.
- (2) O oduzimanju naučnoistraživačkog zvanja odluku donosi senat visokoškolske ustanove na prijedlog naučnog vijeća organizacione jedinice, ili naučno vijeće.
- (3) Prijedlog za pokretanje postupka za oduzimanje naučnoistraživačkog zvanja može pokrenuti direktor ili naučno vijeće.
- (4) Nakon prijema prijedloga za pokretanje postupka za oduzimanje naučnoistraživačkog zvanja naučno vijeće organizacione jedinice odnosno naučno vijeće naučnoistraživačkog instituta kao ustanove imenuje komisiju od pet članova u istom ili višem zvanju u odnosu na zvanje kandidata koji je predmet postupka za oduzimanje naučnoistraživačkog zvanja.
- (5) U komisiju ne mogu biti imenovani članovi komisije koji su bili članovi komisije u postupku u kojem je lice, protiv kojeg je pokrenut postupak, steklo naučnoistraživačko zvanje.
- (6) Komisija provjerava osnovanost tvrdnji odnosno navoda iznesenih u prijedlogu za pokretanje postupka za oduzimanje naučnoistraživačkog zvanja i pisani izvještaj dostavlja direktoru.
- (7) Direktor u roku od sedam dana, dostavlja izvještaj komisije predlagatelju postupka i licu protiv kojeg je pokrenut postupak na izjašnjenje u roku od sedam dana od dana prijema izvještaja.
- (8) Nakon isteka roka, direktor saziva sjednicu naučnog vijeća najkasnije u roku od 30 dana od dostave odgovora predlagatelja pokretanja postupka i lica protiv kojeg je pokrenut postupak radi utvrđivanja prijedloga za oduzimanje naučnoistraživačkog zvanja.
- (9) Na sjednicu naučnog vijeća se pozivaju predlagatelj i lice protiv kojeg je pokrenut postupak.
- (10) Naučno vijeće razmatra sve predložene dokaze i odlučuje o postojanju osnova za oduzimanje naučnoistraživačkog zvanja.
- (11) Ako vijeće odluči da postoji osnova za oduzimanje naučnoistraživačkog zvanja, ono podnosi prijedlog o oduzimanju naučnoistraživačkog zvanja senatu visokoškolske ustanove odnosno odluku ukoliko se radi o naučnoistraživačkom institutu kao ustanovi, u roku od 7 dana od dana održavanja sjednice vijeća.
- (12) Protiv odluke senata odnosno naučnog vijeća o oduzimanju naučnoistraživačkog zvanja nije dozvoljena žalba, ali se protiv iste može pokrenuti postupak pred nadležnim sudom.

- (13) Oduzimanjem naučnoistraživačkog zvanja gube se sva prava koja su stečena osporenim izborom u naučnoistraživačko zvanje.

Član 36.

(Izbor u naučna i istraživačka zvanja)

Izbor naučnoistraživačkog osoblja u naučna i istraživačka zvanja u organizacionoj jedinici u okviru visokoškolske ustanove i u naučnoistraživačkom institutu kao ustanovi vrši se javnim konkursom, u skladu s kriterijima utvrđenim ovim zakonom, statutom i pravilnikom, kojim se utvrđuju općeprihvaćeni standardi u datoj oblasti, a koji donosi ministar.

Član 37.

(Period izbora i statusna pitanja)

- (1) Naučnoistraživačko osoblje bira se na određeni izborni period, i to:
 - a) *istraživač saradnik* na period od četiri godina bez mogućnošću ponovnog izbora;
 - b) *viši istraživač saradnik* na period od pet godina s mogućnošću jednog ponovnog izbora;
 - c) *istraživač savjetnik* na period od pet godina s mogućnošću jednog ponovnog izbora;
 - d) *naučni saradnik* na period od pet godina s mogućnošću jednog ponovnog izbora;
 - e) *viši naučni saradnik* na period od šest godina s mogućnošću jednog ponovnog izbora;
 - f) *naučni savjetnik* trajno.
- (2) Član naučnoistraživačkog osoblja zaključuje ugovor o radu na period na koji je izabran, osim naučnog savjetnika, koji zaključuje ugovor o radu na neodređeno vrijeme.
- (3) Nakon isteka izbornog perioda visokoškolska ustanova i naučnoistraživački institut kao ustanova obavezni su zaključiti novi ugovor o radu sa svakim članom naučnoistraživačkog osoblja koji je izabran u isto ili više naučno ili istraživačko zvanje.
- (4) Rokovi za izbor u isto ili više zvanje naučnoistraživačkog osoblja produžiti će se za vrijeme provedeno na porodiljskom odsustvu, bolovanju dužem od šest mjeseci, javnoj dužnosti ili iz drugih opravdanih razloga, u skladu sa zakonom, a što se preciznije utvrđuje statutom visokoškolske ustanove i naučnoistraživačkog instituta kao ustanove.
- (5) Visokoškolska ustanova odnosno organizaciona jedinica i naučnoistraživački institut kao ustanova u roku od šest mjeseci od dana stupanja na snagu ovog zakona obavezni su donijeti program mjera za stvaranje uslova za napredovanje naučnoistraživačkog osoblja, kao i plan kadrovskih potreba za naredni petogodišnji period.
- (6) Plan iz stava (5) ovog člana visokoškolska ustanova i naučnoistraživački institut kao ustanova, obavezni su dostaviti Ministarstvu odmah po njegovoj izradi, a izvještaj o provođenju programa iz stava (5) ovog člana na početku svake kalendarske godine.
- (7) Član naučnoistraživačkog osoblja koji navrš 65 godina života i ispuni zakonske uslove za prestanak radnog odnosa ne može na osnovu konkursa biti biran u isto ili više zvanje.

Član 38.

(Istek izbornog perioda i ugovor o radu)

Kada član naučnoistraživačkog osoblja nakon isteka izbornog perioda ne bude izabran u isto ili više zvanje, visokoškolska ustanova odnosno organizaciona jedinica i naučnoistraživački institut kao ustanova mogu, prije otkazivanja ugovora o radu, ponuditi članu naučnoistraživačkog osoblja zaključivanje novog ugovora o radu na poslovima za koje se ne traži izbor u naučnoistraživačko zvanje, ako za to postoji mogućnost i potreba, a što se preciznije definiše statutom visokoškolske ustanove, odnosno naučnoistraživačkog instituta kao ustanove.

DIO SEDMI – NADZOR

Član 39.

(Nadzor nad provođenjem Zakona)

- (1) Nadzor nad provođenjem ovog zakona i propisa donesenih na osnovu ovog zakona vrši Ministarstvo.
- (2) Ispunjenost propisanih uslova vrši Ministarstvo svakih pet godina po proceduri koja je propisana ovim zakonom.
- (3) Odgovorna tijela naučnoistraživačkog instituta kao organizacione jedinice ili ustanove obavezna su na zahtjev Ministarstva u zahtijevanom roku dostaviti sve tražene informacije i dokumente potrebne za izvršavanje nadležnosti.

Član 40.

(Inspekcijski nadzor)

Inspekcijski nadzor nad provođenjem ovog zakona, provedbenih propisa, kao i akata i odluka organa naučnoistraživačkog instituta kao organizacione jedinice ili ustanove, donesenih u cilju izvršenja obaveza utvrđenih ovim zakonom vrši Inspektorat za obrazovanje i nauku.

Član 41.

(Čuvanje i arhiviranje naučne građe)

Sva naučna građa se obrađuje, čuva i održava u skladu sa Zakonom o arhivskoj građi Federacije BiH („Službene novine Federacije BiH“, broj: 45/02).

DIO OSMI - KAZNE NE ODREDBE

Član 42.

(Kazne za prekršaje)

- (1) Novčanom kaznom u iznosu od 1.000 KM do 5.000 KM kaznit će se za prekršaj naučnoistraživački institut kao organizaciona jedinica ili ustanova, ako:
 - a) izvrši izbor direktora suprotno uslovima ili proceduri koja je propisana ovim zakonom (član 29.);
 - b) dodjeljuje naučna i istraživačka zvanja ili vrši izbor naučnoistraživačkog osoblja koje ne ispunjava uslove za izbor propisane ovim zakonom i provedbenim propisima (član 34.);
 - c) zaključi ugovor o radu s članom naučnoistraživačkog osoblja suprotno ovom zakonu (član 38.);
 - d) ne izvrši naloženu upravnu mjeru u roku i na način kako je naloženo rješenjem nadležne inspekcije (član 40.).
- (2) Novčanom kaznom u iznosu od 500 KM do 3.000 KM kaznit će se za prekršaj odgovorno lice naučnoistraživačkog instituta kao organizacione jedinice ili ustanove:
 - a) za prekršaje iz stava (1) ovog člana;
 - b) ako ne osigura da se propisane radnje u postupku izbora naučnoistraživačkog osoblja provedu u rokovima propisanim ovim zakonom (član 34.).

DIO DEVETI – PRIJELAZNE I ZAVRŠNE ODREDBE

Član 43.

(Implementacijske mjere i nastavak rada)

- (1) Vijeće za nauku će pripremiti nacrt Strategije razvoja naučnoistraživačke djelatnosti te će ga dostaviti Ministarstvu radi upućivanja Vladi Kantona, najkasnije u roku od devet mjeseci od dana imenovanja.

- (2) Osnivanje naučnoistraživačkih instituta kao ustanova vršit se u skladu s ovim zakonom i Strategijom razvoja naučnoistraživačke djelatnosti.
- (3) Postupci osnivanja kao i druge statusne promjene započete prema odredbama propisa koji su važili prije stupanja na snagu ovog zakona završit će se prema tim propisima.
- (4) Postupak izbora u naučna i istraživačka zvanja koja su započeta prema odredbama propisa koji su važili prije stupanja na snagu ovog zakona završit će se prema tim propisima.
- (5) Nakon isteka izbornog perioda u naučno ili istraživačko zvanje koje je izvršeno prije stupanja na snagu ovog zakona, izbor u isto ili više zvanje vršit će se prema odredbama ovog zakona.
- (6) Naučnoistraživačko osoblje koje je birano u zvanje prema odredbama zakona koji stupanjem na snagu ovog zakona prestaje da važi, a koje se nalazi u prvom izbornom periodu ima pravo nakon isteka izbornog perioda ostati u tom zvanju i to bez provođenja konkursne procedure najduže za vremenski period koji je za to zvanje propisan ovim zakonom.
- (7) Nakon isteka izbornog perioda u slučaju iz stava (6) ovog člana, procedura izbora u naučnoistraživačko zvanje se provodi prema odredbama ovog zakona.
- (8) Ministarstvo će u roku od 30 dana od dana stupanja na snagu ovog zakona donijeti pravilnik iz čl. 23. stav (8).
- (9) Postupak provjere ispunjenosti uslova iz člana 23. stav (1) ovog zakona za institute koji su osnovani prije stupanja na snagu ovog zakona Ministarstvo provodi nakon proteka roka od tri godine od dana stupanja na snagu ovog zakona.

Član 44.

(Prestanak primjene)

Danom stupanja na snagu ovog zakona prestaje da važi Zakon o naučnoistraživačkoj djelatnosti („Službene novine Zeničko-dobojskog kantona“, broj: 03/99).

Član 45.

(Stupanje na snagu)

Ovaj zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: _____/17.

PREDSJEDAVAJUĆI

Datum, _____ 2017. godine
Zenica

Jasmin Duvnjak

O B R A Z L O Ž E N J E

Pravni osnov

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Razlozi za donošenje ovog zakona su član 21., Okvirnog Zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje BiH („Službeni glasnik BiH“, broj: 43/09) kojim je utvrđena obaveza kantona da donesu zakon kojim će regulirati pitanja koja nisu regulirana tim zakonom.

U postupku pripreme ovog zakona ministar za obrazovanje, nauku, kulturu i sport Zeničko-dobojskog kantona imenovao je Komisiju (predstavnici iz Ministarstva, JU Univerziteta Zenica i Metalurškog instituta „Kemal Kapetnović“ Zenica) koja je predložila pravna rješenja za probleme u okviru naučnoistraživačke djelatnosti na području Zeničko-dobojskog kantona, a imajući u vidu činjenicu da je potrebno:

- pravno riješiti pitanje izdvajanja finansijskih sredstava za naučnoistraživačku djelatnost iz Budžeta Zeničko-dobojskog;
- precizirati subjekte koji se mogu baviti naučnoistraživačkom djelatnošću, uz naglasak na pravna lica koja se osnivaju izvan visokoškolske ustanove;
- propisati uslove koje moraju ispunjavati pravna lica u osnivanju;
- podsticati naučnoistraživačku djelatnost u okviru Univerziteta u Zeničko-dobojskom kantonu;
- regulisati pitanje izbora u naučna i istraživačka zvanja jer uslovi definisani postojećim zakonskim tekstom ne prepoznaju tzv. bolonjska zvanja;
- predložiti osnivanje Vijeća za nauku Zeničko-dobojskog kantona (uloga, sastav, funkcija i nadležnosti);
- predvidjeti uspostavu baza podataka od strane Ministarstva i vođenje odgovarajućih evidencija naučnih institucija i naučnika i istraživača, a u cilju efikasne saradnje sa višim nivoima vlasti;
- razraditi pitanje nadzora u ovoj oblasti jer važećim Zakonom taj dio nije regulisan te
- riješiti ostala pitanja neophodna za obavljanje naučnoistraživačke djelatnosti na području Zeničko-dobojskog kantona.

Pravna rješenja

Prijedlog zakona je usklađen sa odredbama Okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje Bosne i Hercegovine („Službeni glasnik BiH“, broj: 43/09) čiji je osnovni cilj nauci i tehnološkom razvoju dati prioritetan značaj te da Bosna i Hercegovina, entiteti, kantoni i Brčko Distrikt Bosne i Hercegovine budu dio međunarodnog, posebno evropskog naučnoistraživačkog prostora.

Predloženim Prijedlogom utvrđuje se:

- poseban interes Zeničko-dobojskog kantona u oblasti nauke i tehnologije,
- osnovni principi naučnoistraživačke djelatnosti,
- sudjelovanje u ostvarivanju međunarodne naučnoistraživačke saradnje i ostvarivanje naučnoistraživačke saradnje u Zeničko-dobojskom kantonu i Bosni i Hercegovini,
- finansiranje naučnoistraživačke djelatnosti,
- formiranje Vijeća za nauku Zeničko-dobojskog kantona,
- informacioni sistem i vođenje evidencija u vezi sa obavljanjem naučnoistraživačke djelatnosti,
- opća pitanja u vezi sa osnivanjem naučnoistraživačkih instituta kao organizacionih i

podorganizacionih jedinica visokoškolskih ustanova i naučnoistraživačkih instituta kao ustanova,

- prava i obaveze nadležnih organa u oblasti naučnoistraživačke djelatnosti,
- nadzor nad provedbom ovog zakona i
- druga pitanja od značaja za obavljanje naučnoistraživačke djelatnosti na području Zeničko-dobojskog kantona.

Pravno-tehnički, zakon je pripremljen u skladu sa nomotehnički zakon je urađen u skladu sa jedinstvenim pravilima za izradu pravnim propisa u Zeničko-dobojskom kantonu („Službene novine Zeničko-dobojskog kantona“ broj: 5/08).

Obrazloženje pojedinih dijelova zakona

DIO PRVI - OSNOVNE ODREDBE

Čl. 1, 2., 3., 4., 5., 6., 7., 8., 9. i 10.

U ovom dijelu zakona precizirano je značenje naučnoistraživačke djelatnosti, značaj naučnog i tehnološkog razvoja za Zeničko-dobojski kanton, precizirana naučnoistraživačka djelatnost kao djelatnost od posebnog društvenog interesa za Zeničko-dobojski kanton kroz definisanje načina ostvarenja tog interesa.

Dalje, u tekst Zakona ugrađeni su principi na kojima se zasniva naučnoistraživačka djelatnost te sloboda naučnog rada i djelovanja. Precizirano je koji su to rezultati naučnoistraživačke djelatnosti, kao i ostvarivanje naučnoistraživačke djelatnosti kroz povezivanje osnovnog (fundamentalnog), primijenjenog (aplikativnog) i razvojnog istraživanja te osposobljavanjem kadra za obavljanje naučnoistraživačke djelatnosti.

U ovom dijelu zakona utvrđeno je osiguranje sredstava za podršku naučnoistraživačkoj djelatnosti od najmanje 0,5% Budžeta Zeničko-dobojskog kantona i iz drugih izvora u skladu sa zakonom, 5% od izdvojenih sredstava iz Budžeta Zeničko-dobojskog kantona namijenjena su za podršku projektima koji su od posebnog interesa za Zeničko-dobojski kanton, način utroška sredstava i to u skladu sa Strategijom razvoja naučnoistraživačke djelatnosti Zeničko-dobojskog kantona, utvrđivanje kriterija za utrošak sredstava. Europska Unija je za ove svrhe propisala, svojim članicama, ovo izdavanje od 3%. Njemačka je država članica koja za ovo područje izdvaja najviše, 2%. Takođe je utvrđeno da se sredstva iz Budžeta Zeničko-dobojskog kantona koriste za ulaganje u osposobljavanje kadrova za naučni i istraživački rad, usavršavanje naučnoistraživačkog osoblja, za razvoj i uvođenje nove naučnoistraživačke infrastrukture te poticanje naučnoistraživačkih i istraživačko-razvojnih projekata od interesa za Kanton i razvoj naučnoistraživačke djelatnosti u skladu sa ovim zakonom.

Zakon daje mogućnost Skupštini Kantona za dodjelu nagrada za značajne rezultate u naučno-istraživačkoj djelatnosti.

DIO DRUGI - STRATEGIJA ZA RAZVOJNA NAUČNOISTRAŽIVAČKE DJELATNOSTI

Čl. 11. i 12.

U ovom dijelu zakona reguliše se način izrade i donošenje Strategije za razvoj nauke svakih pet godina, a u svrhu ostvarivanja strateških ciljeva, definiranja smjernica i prioriteta naučnog i tehnološkog razvoja Zeničko-dobojskog kantona i Bosne i Hercegovine, odnosno ostvarivanja posebnog interesa u naučnoistraživačkoj djelatnosti. Strategija razvoja naučnoistraživačke djelatnosti sadrži osnovne principe, ciljeve, smjernice i prioritete naučnog i tehnološkog razvoja. Strategiju za razvoj nauke donosi Skupština Zeničko-dobojskog kantona na prijedlog Vlade. Nacrt Strategije za razvoj nauke priprema Vijeće za nauku i dostavlja ga Ministarstvu.

DIO TREĆI – VIJEĆE ZA NAUKU

Čl. 12., 13., 14., 15. i 16.

U ovom dijelu zakona propisano je osnivanje i rad Vijeća za nauku kao stručnog i savjetodavnog tijela Ministarstva, a ciljem praćenja i unapređenja stanja u oblasti nauke i tehnologije u Zeničko-dobojskom kantonu, podnošenje izvještaja o radu Vijeća za nauku i stanju u oblasti naučnoistraživačke djelatnosti.

Članove Vijeća za nauku imenuje Vlada Kantona na prijedlog Ministarstva za obrazovanje, nauku, sport i kulturu na period od četiri godine, uz mogućnost još jednog imenovanja.

U ovom dijelu takođe je utvrđen sastav i nadležnosti Vijeća, način imenovanja, naknade za rad Vijeća, nadležnost i prijevremeno razrješenje.

DIO ČETVRTI - NOSIOCI NAUČNOISTRAŽIVAČKE DJELATNOSTI I POSTUPAK OSNIVANJA NAUČNOISTRAŽIVAČKOG INSTITUTA

Čl. 18., 19., 20., 21. i 22., 23. i 24.

U ovom dijelu zakona utvrđeni su nosioci naučnoistraživačke djelatnosti na području Zeničko-dobojskog kantona i postupak osnivanja naučnoistraživačkih instituta kao organizacionih jedinica u okviru visokoškolske ustanove na području Zeničko-dobojskog kantona.

Takođe je definisan postupak osnivanja naučnoistraživačkih instituta kao ustanova, uslovi za osnivanje naučnoistraživačkog instituta, rokovi za donošenje odluke po podnesenom zahtjevu za osnivanje, rad ekspertne komisije, rad komisije matičara kao i nadležnost Vlade Kantona i Skupštine Kantona u postupku osnivanja, rad stručne komisije i postupak provjere ispunjenosti uslova za početak rada i daljnji rad naučnoistraživačkih instituta kao ustanova, kao i postupak upisa i brisanja iz Registra naučnoistraživačkih subjekata na području Zeničko-dobojskog kantona koji vodi Ministarstvo.

DIO PETI – ORGANI NAUČNOISTRAŽIVAČKOG INSTITUTA

Čl. 25., 26., 27., 28. i 29., 30. i 31.

U ovom dijelu zakona utvrđeni su organi naučnoistraživačkog instituta: Upravni odbor i direktor i stručni organ Naučno vijeće.

Nadalje je definirani sastav, broj, mandat i djelokrug upravnog odbora kao i naučno vijeće i direktor.

DIO ŠESTI –NAUČNOISTRAŽIVAČKO OSOBLJE

Čl. 32., 33., 34., 35. i 36., 37. i 38.

U ovom dijelu zakona utvrđena su naučna i istraživačka zvanja u smislu ovog Zakona, pravo sudjelovanja naučnoistraživačkog osoblja koje je izabrano na osnovu ovog Zakona u realizaciji nastavnog procesa na visokoškolskoj ustanovi i sudjelovanje u radu komisija.

Tim licima se za vrijeme trajanja angažmana, bez priznavanja naučnoistraživačkog zvanja kao akademskog zvanja dodijeljenog shodno odredbama Zakona o visokom obrazovanju, priznaje samo uživanje prava članova akademskog osoblja u vezi sa izvođenjem nastavnog procesa odnosno rada u komisiji, i to:

- a) istraživaču saradniku priznaju se prava asistenta,
- b) višem istraživaču saradniku priznaju se prava višeg asistenta,
- c) istraživaču savjetniku priznaju se prava višeg asistenta u drugom izbornom periodu, pod uslovom da je stekao stepen doktora nauka,
- d) naučnom saradniku priznaju se prava docenta,
- e) višem naučnom saradniku priznaju se prava vanrednog profesora,
- f) naučnom savjetniku priznaju se prava redovnog profesora.

U ovom dijelu takođe je propisana procedura izbora naučnoistraživačkog osoblja u naučna i istraživačka zvanja na organizacionoj jedinici u okviru visokoškolske ustanove, kao i izbor u naučna i istraživačka zvanja u okviru naučnoistraživačkog instituta kao ustanove koji se vrši u svim slučajevima javnim konkursom, u skladu sa kriterijima utvrđenim ovim zakonom, statutom i pravilnikom kojim se utvrđuju općeprihvaćeni standardi u datoj oblasti.

Takođe, definisani su načini i uslovi oduzimanja naučnoistraživačkog zvanja, kao i procedura odnosno pokretanje postupka za oduzimanje naučnoistraživačkog zvanja.

Definisani su minimalni uslovi za izbor u naučna i istraživačka zvanja (istraživač saradnik, viši istraživač saradnik, istraživač savjetnik, naučni saradnik, viši naučni saradnik, naučni savjetnik).

Takode, propisan je period izbora, istek izbornog perioda, ugovor o radu i statusna pitanja naučnoistraživačkog osoblja.

DIO SEDMI - NADZOR

ČI. 39., 40. i 41.

U ovom dijelu zakona precizno je propisan je način vršenja nadzora nad provođenjem ovog zakona i propisa donesenih na osnovu ovog zakona, obaveze odgovornih tijela naučnoistraživačkog instituta kao organizacione jedinice ili ustanove dostavljanja svih traženih informacije i dokumenata potrebnih za izvršavanje nadležnosti.

Važna činjenica je da je ovim zakonom uveden inspekcijski nadzor nad provođenjem ovog zakona, provedbenih propisa, kao i akata i odluka tijela/organa naučnoistraživačkog instituta kao organizacione jedinice ili ustanove donesenih u cilju izvršenja obaveza utvrđenih ovim zakonom.

Trenutno važećim Zakonom nijedna inspekcija nije imala nadležnost za kontrolisanje naučnih ustanova.

Kada nadležna inspekcija utvrdi nepravilnosti u radu koje ne sprečavaju dalji rad naučno-istraživačkog instituta kao organizacione jedinice ili ustanove odnosno kada utvrdi da isti ne postupa ili postupa nepravilno ili nepotpuno prema obavezama koje su joj određene propisima, obavezna je prema utvrđenom činjeničnom stanju naložiti odgovarajuće upravne mjere, koje su sada detaljno propisane.

Pored ovoga propisano je da se naučna građa mora biti čuvana u skladu sa Zakonom o arhivskoj građi i arhivi BiH.

DIO OSMI - KAZNE NE ODREDBE

Član 42.

U ovom dijelu zakona propisane su novčane kazne za nepostupanje shodno odredbama ovog zakona.

DIO DEVETI – PRIJELAZNE I ZAVRŠNE ODREDBE

ČI. 43., 44. i 45.

U ovom dijelu zakona propisane su implementacijske mjere i nastavak rada, rokovi za donošenje akata u smislu ovog zakona, postupak izbora u naučna i istraživačka zvanja koja su započeta prema odredbama propisa koji su važili prije stupanja na snagu ovog zakona, pitanja izbora u isto ili više zvanje, postupak izbora naučnoistraživačkog osoblja koje je birano u zvanje prema odredbama zakona koji stupanjem na snagu ovog zakona prestaje da važi, a koje se nalazi u prvom izbornom periodu.

Ministarstvo će u roku od 60 dana od dana stupanja na snagu ovog zakona donijeti Pravilnik o klasifikaciji naučnih oblasti, polja i grana uz prethodno provedene konsultacije sa visokoškolskim ustanovama na području Zeničko-dobojskog kantona, kao i Pravilnik o postupku upisa i brisanja iz Registra naučnoistraživačkih subjekata na području Zeničko-dobojskog kantona.

Danom stupanja na snagu ovog zakona prestaje primjena Zakona o naučnoistraživačkoj djelatnosti („Službene novine Zeničko-dobojskog kantona“, broj: 03/99).

Ovim nacrtom, predviđeno je razmatranje zakona u redovnoj proceduri, pa tako i njegovo stupanje na snagu osmog dana od dana objavljivanja u „Službenim novinama Zeničko-dobojskog kantona”.

Finansijski pokazatelji:

U skladu sa Članom 9., stav (1), kojim je predviđeno da se sredstva za podršku naučno-istraživačkoj djelatnosti u smislu ovog zakona osiguravaju u godišnjem iznosu od minimalno 0,5% Budžeta Kantona, kao i iz drugih izvora u skladu sa zakonom, u ovom trenutku, nisu potrebna

dodatna izdvajanja u Budžetu Kantona (**OBRAZAC IFP-NE**). Ovo iz razloga što je postojeći MI “Kemal Kapetanović”, Organizaciona jedinica JU Univerzitet u Zenici, (čiji je osnivač Kanton), a za čiji su rad i aktivnosti su već planirana budžetska sredstva u okvirima Univerziteta.

Imajući u vidu navedeno, molimo Vladu Kantona da se očituje o ovom prijedlogu zaključka.



MINISTAR

Mensur Sinanović

12



Predmet : Izvještaj o provedenoj javnoj raspravi po Nacrtu zakona o naučnoistraživačkoj djelatnosti

(sastavni dio Obrazloženja Prijedloga zakona)

Postupajući u skladu sa **Zaključkom Skupštine Zeničko-dobojskog kantona, broj: 01-02-4771/17.**, od 03.04.2017. godine, Nacrt zakona o naučnoistraživačkoj djelatnosti je upućen u javnu raspravu u Grad Zenicu i sve općine Zeničko-dobojskog kantona, sa rokom za provođenje javne rasprave u trajanju od 30 dana.

Navedenim zaključkom Skupštine, utvrđeno je da su organizatori javne rasprave općinski načelnici, a u Gradu Zenica i Gradonačelnik Grada i Ministarstvo za obrazovanje, nauku, kulturu i sport, te je, s tim u skladu, Ministarstvo za obrazovanje, nauku, kulturu i sport sačinilo **Plan javne rasprave, broj: 10-38-4771-1-2/17.** 15.05.2017. godine, i provelo javnu raspravu u svim općinama na području Kantona kao i Gradu Zenica, a u kojima su učestvovali ovlašteni predstavnici općina/Grada, zainteresovani općinski/gradski vijećnici, predstavnici obrazovnih ustanova, sindikata u obrazovanju, nevladinog sektora, i radne grupe Ministarstva za obrazovanje, nauku, kulturu i sport.

Postupajući u skladu sa navedenim Zaključkom Skupštine Kantona, detaljno su razmotreni svi pristigli prijedlozi, primjedbe i sugestije, a koje čine sastavni dio ovog izvještaja, odnosno samog Obrazloženja Prijedloga zakona.

PRIMJEDBE I SUGESTIJE OPĆINA SA PODRUČJA ZENIČKO-DOBOJSKOG KANTONA

OPĆINA ZENICA

Predlagač primjedbi na Nacrt Zakona o naučnoistraživačkoj djelatnosti: Naučno vijeće Metalurškog instituta „Kemal Kapetanović“ Zenica

1. **Amandman na član 1:** Ovim zakonom utvrđuje se poseban interes Zeničko-dobojskog kantona (u daljem tekstu: Kanton) u oblasti nauke i tehnologije, osnovni principi naučno-istraživačke djelatnosti, **finansiranje naučnoistraživačke djelatnosti, Strategija razvoja naučnoistraživačke djelatnosti, formiranje Vijeće za nauku Kantona, nosioci naučno-istraživačke djelatnosti** i postupak osnivanja naučnoistraživačkog instituta, organi naučno-istraživačkog instituta, naučno istraživačkoosoblje, nadzor nad provedbom ovog zakona, obaveze nadležnih organa u oblasti naučnoistraživačke djelatnosti i druga pitanja od značaja za obavljanje naučnoistraživačke djelatnosti na području Kantona.
Obrazloženje: Iz člana 1 u odnosu na prijedlog radne grupe ispušteno je da se ovim Zakonom uređuje finansiranje naučno istraživačke djelatnosti iako Zakon definiše i ova pitanja. Smatramo da se ova odredba treba vratiti u član kojim se definiše predmet Zakona. Također, umjesto teksta „Strategija razvoja nauke“ treba stajati „Strategija Naučnoistraživačke djelatnosti“ jer se i sam Zakon naziva „Zakon o naučnoistraživačkoj djelatnosti“.

Stav predlagača po primjedbi: Primjedba je djelimično uvažena i uvrštena u članu 1., ubačeno **finansiranje naučno istraživačke djelatnosti.**

Drugi dio: „Umjesto teksta „Strategija razvoja nauke“ treba stajati Strategija Naučnoistraživačke djelatnosti“ nije prihvaćeno.

2. **Amandman na član 2:** Ukinuti član 2

Obrazloženje: Jednaka prava spolova su obavezna i definirana sa drugim Lex specialis Zakonima i EU konvencijama kojih su potpisnik i BiH, tako da to u ovom Zakonu nije potrebno posebno naglašavati što se može vidjeti u više istih Zakona u BiH, i zemljama u okruženju i EU.

Stav predlagača po primjedbi: Sugestija Sekretarijata za zakonodavstvo.

3. **Stav (2) člana 3 se briše i postaje stav (1) člana 7.**

Obrazloženje: Obzirom da je uveden novi dio koji govori interesima Kantona, ovaj stav je primjerenije da bude u članu 7.

Stav predlagača po primjedbi: Prihvaćeno.

4. **Amandman za uvrštavanje novog člana 8. (Podsticanje međunarodne naučne saradnje).**
Stjecanja naučnih stepena (doktorskih i magistarskih) u okviru međunarodne naučne saradnje i sa međunarodnim komisijama za odbranu istih predstavlja poseban interes Kantona i biće posebno definiran pravilnikom koji donosi ministar.

Obrazloženje: Ovim amandmanskim članom se jasnije i konkretnije definira interes i potreba Kantona za podsticanje međunarodne naučne saradnje i kroz to povećanje kvaliteta magistarskih i doktorskih radova a time i potencijala za međunarodnu saradnju kroz naučnoistraživačke projekte.

Stav predlagača po primjedbi: Rješiti na nivou Univerziteta.

5. **Amandman na član 9 (Osiguranje finansijskih sredstava za naučnoistraživačku djelatnost):** Također mjenja se tekst ovog člana koji glasi:

(1) Sredstva za podršku naučnoistraživačkoj djelatnosti osiguravaju se u godišnjem iznosu od minimalno 0,5% budžeta Kantona.

Finansiranje naučnoistraživačke djelatnosti obezbjeđuje se i iz drugih izvora, odnosno:

- a) intelektualnih usluga,
- b) od prihoda ostvarenih prodajom proizvoda specifičnih zahtjeva i laboratorijskih usluga;
- c) donacija, sponzorstava;
- d) projekata i ugovora s domaćim i stranim istraživačkim ustanovama i od konsultantskih aktivnosti, neformalnog obrazovanja i certificiranja osoblja traženih i deficitarnih zanimanja ;
- e) sredstava privrednih društava, ustanova i udruženja,
- f) sredstava apliciranja na sredstva domaćih i međunarodnih fondova.

(2) Sredstva iz stava (1) ovog člana biće utrošena u skladu sa Strategijom razvoja nauke, očuvanje i razvoj ukupnih naučnoistraživačkih potencijala (naučnoistraživačke infrastrukture, opreme i naučnoistraživačkih kadrova) te poticanje naučnoistraživačkih i istraživačkorazvojnih projekata koji se realiziraju u saradnji s privredom i u međunarodnoj saradnji, a 5% od ovih sredstava namijenjena su za podršku projektima koji su od posebnog interesa za Kanton.

(3) Nacrt odluke o utvrđivanju kriterija za utrošak sredstava utvrđuje Vijeće za nauku na osnovu kojeg ministar izrađuje prijedlog odluke i dostavlja Vladi Zeničko-dobojskog kantona na usvajanje (u daljem tekstu: Vlada Kantona).

(4) Za namjene iz stava (2) ovog člana sredstva se, u skladu s odlukom iz stava (3) ovog člana dodjeljuju u postupku javnog oglašavanja od strane Ministarstva za obrazovanje, nauku, kulturu i sport (u daljem tekstu: Ministarstvo).

Obrazloženje: Ovim amandmanskim članom uvode se neznatne izmjene u tekstu kojim se jasnije i konkretnije definira ono što regulira ovaj član.

Najveću, suštinsku izmjenu predstavlja način definiranja procenta izdvajanja sredstava iz Budžeta Kantona u cilju poticanja razvoja naučnoistraživačke djelatnosti jer je to bazni pokretač i smisao ovog Zakona. Predložena formulacija „do 0,5% „ Budžeta Kantona u praksi

znači da se može ne izdvajati ništa ili simbolični iznosi na drugoj decimali. Time se dovode u pitanje osnovna namjera i smisao ovog Zakona a to je veće učešće naučnoistraživačkih aktivnosti u napretku cijelog društva.

Citat iz STRATEGIJE RAZVOJA NAUČNO-ISTRAŽIVAČKOG I ISTRAŽIVAČKO-RAZVOJNOG RADA U FBiH ZA PERIOD 2012 – 2022. GODINA gdje se između ostalog kaže: Stanje istraživačkog sektora određuje se stanjem kadrova (ljudskih resursa), istraživačkih institucija, infrastrukture i opreme te stanjem zakonskog okvira koji regulira ovu oblast. Istraživački kadrovi imaju isključivo porijeklo iz visokog obrazovanja. Brojnost i kvalitet ljudskih resursa temeljni su pokazatelji potencijala, koji tokom njihove karijere, u radu na istraživačkim projektima, formiraju kadrovsku strukturu istraživačkih institucija. Finansijsko ulaganje države u sektor istraživanja i tehnološkog razvoja (ITR) u Federaciji BiH nije prepoznato kao razvojna potreba, dok je EU svojim planom da dostigne ulaganje u ITR u iznosu od 3% BDP do 2010. godine definirala mjeru koju će poštovati članice.

Da bude sasvim jasno ovaj % će se morati povećavati jer će to jednostavno biti jedini način u izgradnji uspješne ekonomije i društva.

I na kraju da kažemo ovakvi kakvi jesmo trenutno nismo ni za Zapadnu Afriku a kamo li za EU.

Stav predlagača po primjedbi: Prihvaćeno.

6. **Amandman na član 13:.** Tekst člana se mijenja glasi:

(1) Članove Vijeća za nauku imenuje Vlada Kantona na prijedlog Ministarstva iz reda istaknutih naučnih radnika koji se biraju u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13). Predsjednika i zamjenika predsjednika Vijeća za nauku biraju članovi Vijeća na izornoj sjednici.

(2) Vijeće se sastoji od devet članova i to:

a) osam članova istaknutih naučnih radnika s akreditovane visokoškolske ustanove ili naučnog instituta registrovanog na području Kantona, pri čemu se vodi računa o zastupljenosti temeljnih naučnih oblasti;

b) jedan član iz reda istaknutih privrednika s područja Kantona.

(3) Za predsjednika Vijeća za nauku imenuje se kandidat u zvanju naučnog savjetnika ili redovnog profesora koji posjeduje iskustvo u multidisciplinarnim istraživanjima i međunarodno prepoznate reference i iskustvo u naučnoistraživačkoj djelatnosti i djelatnosti visokog obrazovanja.

(4) Mandat zamjenika predsjednika prati mandat predsjednika Vijeća za nauku.

(5) Članovi Vijeća za nauku imenuju se na period od četiri godine, uz mogućnost ponovnog imenovanja.

(6) Član Vijeća za nauku ne može biti rektor i prorektor univerziteta, dekan i prodekan organizacione jedinice univerziteta, direktor naučnoistraživačkog instituta i direktor visoke škole.

(7) Poslovníkom o radu utvrđuje se način rada, sazivanje sjednica, odlučivanje i druga pitanja bitna za rad Vijeća za nauku.

(8) Administrativne poslove za potrebe Vijeća za nauku obavlja sektor za oblast visokog obrazovanja i nauke u sastavu Ministarstva.

Obrazloženje: Ovim amandmanskim članom uvode se izmjene u tekstu kojim se jasnije i konkretnije definira ono što regulira ovaj član te se definiraju obaveze Vjeća koje se reguliraju Poslovníkom o radu Vijeća. Također u stavu 2 ovo člana povećan je broj članova Vijeća sa 7 na 9 kako je bila predložila komisija. Ovo je minimalan broj članova obzirom na broj naučnih oblasti koje pokriva aktivnost vijeća, a i u Okvirnom zakonu je broj članova vijeća 9.

Stav predlagača po primjedbi: Prihvaćeno

7. **Amandman na član 22:** Izmjena u tekstu ovog člana Stav (1) alineja a) glasi:

a) odluku Skupštine Kantona za javnu ustanovu, odnosno odluku Ministarstva za privatnu

ustanovu o davanju saglasnosti na elaborat o opravdanosti osnivanja naučnoistraživačkog instituta.

Obrazloženje: Jasnije definirana alineja.

Stav predlagača po primjedbi: Prihvaćeno

8. **Amandman na član 29:** Izmjena u tekstu ovog člana Stav (2) glasi:

(2) Direktora instituta nakon provedene procedure javnog konkursa, bira naučno vijeće naučnoistraživačkog instituta, i u formi obrazloženog prijedloga, dostavlja Upravnom odboru na konačno imenovanje.

Obrazloženje: Nacrtom Zakona je predviđena obaveza da se, nakon provedene konkursne procedure te nakon provedene procedure izbora prijedloga za imenovanje Direktor od strane Naučnog vijeća prije upućivanja na potvrđivanje izbora na Upravnom odbor Instituta mora tražiti saglasnost osnivača. Smatamo da je ovo suvišno obzirom da osnivač tu funkciju vrši kroz upravni odbor (član 25 stav (2)).

Stav predlagača po primjedbi: Nije Prihvaćeno jer odudara od iste procedure za ostale subjekte odnosno OJ.

9. **Amandman na član 32:** Izmjenjeni tekst ovog člana glasi:

(1) Minimalni uslovi za izbor u naučna i istraživačka zvanja su:

- a) za istraživača saradnika: završen stepen prvog ciklusa, s najmanje 240 ECTS bodova i ostvarena najniža prosječna ocjena 8,0 (osam) ili 3,5 (tri i po);
- b) za *višeg istraživača saradnika*: završen stepen drugog ciklusa (magisterij) i ostvarena najniža prosječna ocjena 8,0 (osam) ili 3,5 (tri i po) na oba ciklusa studija;
- c) za *istraživača savjetnika*: završen stepen drugog ciklusa (magisterij) i ostvarena najniža prosječna ocjena 8,0 (osam) ili 3,5 (tri i po) na oba ciklusa studija, objavljen najmanje 3 (tri) recenzirana naučna rada iz odgovarajuće oblasti;
- d) za *naučnog saradnika*: naučni stepen doktora nauka u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uvjetima za izbor u naučna zvanja;
- e) za *višeg naučnog saradnika*: proveden najmanje jedan izborni period u zvanju naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uvjetima za izbor u naučna zvanja;
- f) za *naučnog savjetnika*: proveden najmanje jedan izborni period u zvanju naučnog saradnika u odgovarajućoj naučnoj oblasti, minimum kvantitativnih uslova za odgovarajuću naučnu grupaciju predviđenih Pravilnikom o minimalnim uvjetima za izbor u naučna zvanja.

(2) Pravilnik o minimalnim uvjetima za izbor u naučna zvanja donosi Ministarstvo, u skladu sa Uputstvom o metodološkom okviru i principima za izradu Pravilnika o minimalnim uvjetima za izbor u naučna zvanja (Službeni glasnik BiH 47/12).

Obrazloženje: Istraživač saradnik kada je angažovan u nastavi uživa prava višeg asistenta. Za izbor u zvanje višeg asistenta (saradničko zvanje prema Zakonu o visokom obrazovanju) nije potrebno imati upisan doktorski studij, tako da isti uslov – upisan doktorski studij – ne bi trebao biti ni za izbor istraživača savjetnika. Povećan je broj radova sa dva na tri.

Nacrtom Zakona u članu 32 su definirani samo minimalni uvjeti za istraživačka zvanja i potpuno izbačeni minimalni uvjeti za naučna zvanja iako su u naslovu ovog člana definirani i minimalni uvjeti za naučna zvanja te su ovim amandmanom definirani i minimalni uvjeti za naučna zvanja. Tekst ovog amandmanskog člana je potpuno preuzet iz prvobitnog prijedloga komisije za izradu prednacrta ovog Zakona

Stav predlagača po primjedbi: Prihvaćeno.

10. **Član 37: (Nagrade za naučna dostignuća):**

(1) Ministarstvo može dodjeljivati nagrade za naučna dostignuća, i to:

- a) najuspješnijem mladom talentu u oblasti nauke do 25 godina života;
- b) najuspješnijem naučniku;

- c) rukovodiocu naučnoistraživačkog programa ili projekta i istraživačkom timu koji su realizovali najuspješnij projekat finansiran iz sredstava Ministarstva,
- d) pronalazaču-inovatoru za najuspješniji patent ili inovativno rješenje.
- (2) Nagrade iz alineja a), b) i d) stava (1) ovog člana dodjeljuju se godišnje, a iz alineje c) nakon završetka istraživanja na projektu.
- (3) Uslove i bliže kriterijume za dodjelu nagrada iz stava (1) ovog člana, kao i iznose nagrada propisuje Vijeće za nauku.

Obrazloženje: Obzirom da Zakon u članu 4 – Poseban interes za Kanton i ostvarivanje posebnog interesa spominje razvoj nauke i tehnologije, stvaranje uslova za podsticanje NID poželjno bi bilo da se iznađe mogućnost nagrađivanja uspješnih projekata i istraživača i naučnika, kao što se nagrađuju i sportisti.

Stav predlagača po primjedbi: Prihvaćeno kao u važećem zakonu.

11. Amandman na član 42: Izmjena u tekstu, uz promjenu broja člana sa 41 na 42.

Iza stava 9 dodaje se stav 10 koji glasi:

(10) Za osoblje javnih naučnoistraživačkih instituta sa završenim stepenom drugog ciklusa koji imaju izbor u istraživačka zvanja, obezbijediti će se mogućnost finansiranja doktorskog studija iz sredstava Budžeta Kantona prije stupanja na snagu ovog Zakona.

Obrazloženje: Shodno prelasku na Bolonjski način formiranja doktorskog studija na Univerzitetu u Zenici, troškovi sticanja naučnih zvanja su enormno visoka, finansiranje doktorskih studija nije sistemski riješeno tako da je nemoguće cijeli teret troškova sticanja akademskog zvanja „Doktor nauka“ prenjeti na istraživače u naučnoistraživačkim ustanovama i asistentata na fakultetima. U cilju razvoja naučnih kadrova potrebno je sistemski a ne samo deklarativno urediti ovu oblast kako je predloženo ovim amandmanom a nakon toga i odgovarajućim podzakonskim aktom nakon usvajanja ovog Zakona.

Stav predlagača po primjedbi: Nije prihvaćeno jer se nemože planirati.

Prof.dr.sc. Fuad Hadžikadunić

12. **Član 13, stav (5):** Članovi se biraju na četiri godine i eventualni reizbor na još 4 godine i kraj. Dakle potrebno je izbjeći da se neki biraju vječno.

Stav predlagača po primjedbi: Prihvaćeno.

13. **Član 29.** Direktori Instituta se biraju na četiri godine i eventualni reizbor na još 4 godine i kraj. Dakle potrebno je izbjeći da se neki biraju vječno.

Stav predlagača po primjedbi: Prihvaćeno.

14. **Član 31.** Dali važi i obrnuto, tj. da se angažuje akademsko osoblje u NIR bez posebnih uslova?

Stav predlagača po primjedbi: Ne važi s obzirom da akademsko osoblje ima obavezu da se bavi NIR-om.

15. **Član 32 pod (c):** koliko radova treba imati izbor u istraživačko zvanje (definisati minimum)

Stav predlagača po primjedbi: Već riješeno.

16. Decidno navesti minimalne uslove za izbor u naučna zvanja, kako ne bi bilo dilema.

Stav predlagača po primjedbi: Već riješeno.



17. **Član 35 (2)** :Ne može se birati u više zvanje prije isteka perioda prethodnog izbora jer to pravilo ne postoji kod izbora akademskog osoblja, a prema članu 31 uživaju ista prava. Ovim članom se akademsko osoblje stavlja u neravnopravan položaj.

Stav predlagača po primjedbi: Prihvaćeno.

18. **Član 35 pod (9) i (10)** Izbaciti ove stavove. Nema potrebe da se neko ostavlja da radi "vječno". I kod akademskog osoblja je ovo problem jer onemogućava uvođenje mladih naučnika/nastavnika u proces.

Stav predlagača po primjedbi: Prihvaćeno.

Mr. sc. Hakim Haračić, dipl. ing. maš.

Ul. Alije Izetbegovića 21

32240 KAKANJ

19. **Prijedlog dopune Člana 1.** U naslovu Nacrta Zakona o naučnoistraživačkoj djelatnosti, u članu članu 1. i drugima predlažem da se, umjesto termina „naučnoistraživački“ uvede termin **istraživačko-razvojni**

Obrazloženje Ovaj termin predlažem u ime Asocijacije inovatora Bosne i Hercegovine, a s njim se složio i pokojni Božidar Matić, tadašnji predsjednik ANUBiH, tokom rasprava vođenih povodom donošenja „Strategije razvoja nauke u Federaciji Bosne i Hercegovine za period 2011-2021.“, u kojima je Asocijacija aktivno sudjelovala.

Termin istraživačko-razvojni rad detaljno je obrađen u tzv. „Priručniku Fraskati“ (Frascati Manual) pod nazivom **Istraživanje i Razvoj (Research & Development, R&D)** i prihvaćen širom svijeta. Primjenjuje se i u našoj zemlji:

a) Na prijedlog Vijeća za nauku BiH, Ministarstvo civilnih poslova donijelo je, 2012.

„Uputstvo o metodološkim okvirima i principima za izradu pravilnikâo klasifikaciji naučnih oblasti, polja i grana“ (www.ius.edu.ba)

b) Iste godine je Evropska unija (The European Union's Europe Aid programme For Bosnia and Herzegovina) izradila „Priručnik za statistiku znanosti, tehnologije i inovacija u BiH“ koji primjenjuju brojne instutcije u BiH, uključivo Direkciju za ekonomsko planiranje BiH (www.vijeceministara.gov.ba/stalna_tijela), Agenciju za statistiku BiH (www.bhas.ba/metodoloskidokumenti/Manual_Croatian_BiH_TG.pdf) itd.

Stav predlagača po primjedbi: Nije Prihvaćeno zato što okvirni zakon ne prepoznaje taj termin.

20. **Prijedlog dopune Člana 3.** U članu 3. stav 1. predlažem da se unese imenica „nauka“ tako da se taj stav završava sljedećim riječima: „...uključujući i razvoj nauke i tehnologije i njihovu primjenu.“

Obrazloženje: Obrazloženje se vidi već u stavu 2 istog člana: „Naučni i tehnološki razvoj...“

Stav predlagača po primjedbi: Prihvaćeno.

21. **Prijedlog dopune Člana 4.** DOPUNA – 1: U Članu 4. u stavu (2) nakon stavke pod b) dodati nove stavke pod c) i d) (ostale stavke samo pomjeriti), sa sljedećim tekstom:
„c). Usmjeravanjem društva ka inovacijama i podizanjem opšteg nivoa tehnologija u privredi i obezbjeđivanjem konkurentnosti robe i usluga na domaćem i svjetskom tržištu,“
„d) Podsticanjem pronalazaštva, inovacija i zaštita intelektualnog vlasništva,
Obrazloženje: Smatram da u Članu (4) nedostaje i da je potrebno izvršiti predložene dopune u kojima se jasno precizira da je kao jedan od strateških ciljeva naučnoistraživačke djelatnosti i usmjeravanje društva ka inovacijama. Zato što inovacije u svijetu predstavljaju jednu od najznačajnijih karakteristika savremenog poslovanja na globalnom tržištu.

Stav predlagača po primjedbi: Prihvaćeno.

22. **Prijedlog dopune Člana 8.:** IZMJENA - 1: Umjesto navedenog teksta u stavu (4) predlažem da se izvrši zamjena i ubaci sljedeća formulacija sa sljedećim tekstom:
„Razvojna (stručna) istraživanja, je stvaralački rad zasnovan na znanjima i rezultatima stečenim osnovnim ili primijenjenim istraživanjima, odnosno praktičnom iskustvu, koji je, prije svega, usmjeren na uvođenje novih ili znatno poboljšanje postojećih postupaka, proizvoda i usluga. To su svi postupci koji se javljaju između izuma i proizvodnje: eksperimentisanje na crtežu i razvoj prototipova, eksperimenti, pilot-projekti, modeli, nova rješenja. Ova istraživanja imaju izrazito praktični cilj, njihovo osnovno obilježje je jasna namjena, te direktna i brzo postignuta korist u nekom uskom području.
Obrazloženje: Smatram da je ova formulacija korektnija i potpunija jer detaljno definiše i opisuje usmjerenja, ciljeve i postupke razvojnog istraživanja.

Stav predlagača po primjedbi: Prihvaćeno.

23. **Prijedlog dopune Člana 13.** Predlažem da se u Članu 13. (imenovanje Vijeća za nauku) u stavu (2) naprave sljedeće izmjene i dopuna:
IZMJENA - 1: „(2) Vijeće se sastoji od osam članova:“ (umjesto: Vijeće se sastoji od sedam članova),
DOPUNA - 1: U stavu (2) nakon stavke pod b) dodati stavku c) sa sljedećim tekstom:
„c) jedan član iz reda istaknutih Inovatora iz Asocijacije inovatora BiH sa područja Kantona, predložen od strane Asocijacije inovatora BiH“.
DOPUNA – 2: U Članu 13. nakon stava (6) dodati stav (7) i stav (8) sa sljedećim tekstom:
„(7) Prije davanja prijedloga iz stava (1) ovog člana, Ministarstvo je obavezno da pribavi prijedloge za izbor članova Vijeća za nauku: Sa akreditovanih visokoškolskih ustanova, naučnoistraživačkih instituta sa područja Kantona, Univerziteta, Privredne komore ZDK-a i Asocijacije Inovatora BiH.
(8) Prijedlog iz stava (7) ovog člana mora da sadrži biografiju kandidata i kratko obrazloženje prijedloga.
Obrazloženje: Asocijacija inovatora BiH je neprofitna organizacija koja okuplja, podstiče i pomaže svoje članove – individualne inovatore, da se, pojedinačno i timski, bave istraživačko-razvojnim radom, razvojem tehnike i tehnologije, razvojem novih proizvoda i usluga.
U posljednjih 20 godina, inovatori, članovi Asocijacije su za svoje patente, osvojili skoro 1400 medalja na međunarodnim izložbama širom svijeta.
U Nacrtu zakona u Članu 4. stav (2) pod stavkom b) jedan od strateških ciljeva i interesa definisano je stvaranje uslova za podsticanje naučnoistraživačkog rada koji je u funkciji tehnološkog, inovacionog i ukupnog društveno-ekonomskog razvoja
U Članu 7. stav (1) stavka k), patent je definisan kao rezultat naučnoistraživačkog rada.
Imajući gore navedeno u vidu, smatram da su predložena dopuna (1) i izmjena (1) Člana 13., neophodne kako bi i Inovatori mogli aktivno učestvovati u kreiranju i implementaciji ciljeva ovog zakona i jačanja naučnoistraživačkog rada uopšte.
Prdložena dopuna (2) definiše proceduru pribavljanja prijedloga (od strane Ministarstva) za izbor članova Vijeća za nauku, jer to nije jasno definisano u Nacrtu zakona.
Inovativnost predstavlja stvaranje prilika za profitabilnu primjenu znanja, kreativnog mišljenja, sposobnost generisanja potpuno novih ideja i rješenja, te njihovu primjenu u praksi (inovaciona djelatnost). Ona predstavlja jednu od najznačajnijih karakteristika savremenog poslovanja na globalnom tržištu, a orijentisana je ka izgradnji znanja, korišćenju poslovnih prilika i prilagođavanju promjenama okruženja u kojem djeluje u sticanju prednosti nad konkurencijom.

Stav predlagača po primjedbi: Prihvaćeno u izmjenjenom obliku.

24. **Prijedlog dopune Člana 17.**

DOPUNA – 1: U Članu 17. u stavu (1) nakon stavke pod c) dodati novu stavku pod d), sa sljedećim tekstom:

„d) Naučna udruženja“

Obrazloženje: Naučno udruženje (u daljem tekstu: udruženje) je svaki oblik dobrovoljnog povezivanja više fizičkih ili pravnih lica radi unapređenja ili ostvarenja nekog zajedničkog ili opšteg interesa ili cilja iz područja naučnoistraživačke djelatnosti (Član 4. stav (2) pod b) i c)) u skladu sa zakonom, a čija osnovna svrha nije sticanje dobiti.

Ako je prema Članu 7. stav (1) stavka k) definisano da kao rezultat naučnoistraživačkog rada može biti nova sorta, novi patent, novo tehničko rješenje i dr., onda je sasvim korektno da se izvrši dopuna i da dodatno stoji da naučnoistraživačku djelatnost u Kantonu obavljaju i Naučna udruženja kao što je Asocijacija inovatora. Na ovaj način se otvara mogućnost da se na nivou Kantona formira kantonalna Asocijacija inovatora. U svakom drugom slučaju to formiranje je besmisleno.

Stav predlagača po primjedbi: djelimično prihvaćeno otvaranjem mogućnosti da se inovatori prijave u Registar.

Prof.dr.sc. Samir Lemes

Diskusija sa Skupštine

25. **Član 9 :** EU 1000 KM, Finska 2000 KM. Bugarska najmanje 32 KM, BiH 5 KM ZDK je za NIR planirao 35000 KM = 7pf/stan. 100.000 KM košta samo članarina za pristup referentnim bazama WoS do 0,5% - OD i u prelaznim odredbama postepeno povećanje od 0,1 do 0,5 u roku od 5 godina koji projekti su od posebnog interesa za kanton, ko to utvrđuje? Vijeće, Vlada ili Skupština? da li se sredstva dodjeljuju javnim pozivom? kako se vrše pravljanja i kome? fale namjene u koje se smiju trošiti ta sredstva (ili će to biti u strategiji?) Okvirni zakon propisuje u šta se troše ta sredstva

Stav predlagača po primjedbi: Djelimično prihvaćeno.

26. **Član 13:** Predsjednika i zamjenika treba da bira vijeće a članove bira Ministarstvo po javnom konkursu
Član vijeća ne može biti rektor... ne član nego predsjednik/zamjenik

Stav predlagača po primjedbi: Prihvaćeno.

27. **Član 17:** Fali ANUBiH, istraživački centri (u firmama) i naučna udruženja (strana 8 INF o stanju nauke FBiH). Instituti iz drugih kantona/država? BHAAS? LIND, Impulsni kreativni centar? Arteco? Kineziolozi?
Može li se Semir Osmanagić baviti naukom? Institut sevdaha? Institut za zdravlje i sigurnost hrane?

Stav predlagača po primjedbi: Djelimično prihvaćeno.

28. **Član 23, 24:** U ime člana dodati "kao ustanove"

Stav predlagača po primjedbi: Prihvaćeno u stavu 4.

29. **Član 25:** 3+2 (politika narušava autonomiju). Koji će odnos biti kod privatno javnog partnerstva?

Stav predlagača po primjedbi: Ne prihvaća se.

30. **Član 26 (posredno i član 28.d i 29.2):** d) UO imenuje i razrješava direktora (ne, nego to treba biti vijeće).

Stav predlagača po primjedbi: Ne prihvaća se.



31. **Član 32:** b i c, da li na oba ciklusa studija , koliko ECTS bodova, poseban tretman za doktore medicine. Fale naučna zvanja, data su samo istraživačka.
Izbačeni su članovi "Podsticanje kvaliteta NIR" i "Nagrade za naučna dostignuća"
Ministarstvo za pravosuđe i upravu je zaboravilo ocijeniti usklađenost sa okvirnim zakonom o osnovama naučno-istraživačke djelatnosti i koordinaciji unutrašnje i međunarodne naučno-istraživačke saradnje Bosne i Hercegovine (2009).
Ministarstvo finansija (IFP-fiskalna odgovornost) – neće imati finansijske posljedice po budžet jer je do 5%.

Stav predlagača po primjedbi: Prihvaćeno



MINISTAR
Mensur Sinanović

12



Broj: 07-02-13580-5/16
Zenica, 19.07.2017. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Zakona o naučnoistraživačkoj djelatnosti - *dostavlja se*

Ministarstvo finansija je razmotrilo Prijedlog Zakona o naučnoistraživačkoj djelatnosti, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MISLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U dostavljenom Obrazloženju Prijedloga Zakona o naučno-istraživačkoj djelatnosti, navedeno je da za primjenu Prijedloga Zakona „u ovom trenutku nisu potrebna dodatna izdvajanja u Budžetu Kantona“.

U dostavljenoj Izjavi o fiskalnoj odgovornosti – Obrazac IFP-NE od 11.07.2017. godine, navedeno je da „Prijedlog Zakona o naučno-istraživačkoj djelatnosti neće zahtijevati dodatna sredstva iz Budžeta Zeničko-dobojskog kantona. Napominjemo da ponuđeni prijedlog Zakona predviđa ulaganja u naučno-istraživačku djelatnost u visini od minimalno 0,5% Budžeta Kantona (cca 1.435.000,00 KM na godišnjem nivou), ova sredstva se već planiraju putem budžeta Univerziteta u Zenici – OJ MI „Kemal Kapetanović“ Zenica, putem Tekućeg transfera za naučno-istraživačku djelatnost te drugih Ministarstava Zeničko-dobojskog kantona“.

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj odgovornosti/procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo za obrazovanje, nauku, kulturu i sport Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,
1x a/a.





Ministarstvo za obrazovanje, nauku,
kulturu i sport
n/r ministra
-ovdje-

Zenica, 20.7.2017. godine

Veza Vaš broj: 10-34-13580-5/16 od 7.7.2017.

Naš znak: 06/02 - *34-13580-5* /17

PREDMET: Prijedlog Zakona o naučnoistraživačkoj djelatnosti - stajalište, dostavlja se

Sukladno članku 11. Zakona o kantonalnim ministrstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u svezi sa člankom 31. stavak 1. točka b), Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11) u roku utvrđenom stavkom 2. istog članka, Ministarstvo za pravosuđe i upravu Zeničko-dobojskog kantona u postupku utvrđivanja usklađenosti sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministrstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje, slijedeće

stajalište

Ministarstvo za pravosuđe i upravu Zeničko-dobojskog kantona s aspekta svoje mjerodavnosti, nema primjedbi na dostavljeni Prijedlog Zakona o naučnoistraživačkoj djelatnosti.

S obzirom na naprijed navedeno, stajališta smo da se akt može uputiti u dalju procedure usvajanja.

S poštovanjem,

Dostavljeno:

1 x Naslovu

1 x U pismohranu





Broj: 03-34-13580-5-1/17
Zenica, 21.07.2017. godine

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA**

**PREDMET: Mišljenje o Prijedlogu Zakona o naučnoistraživačkoj djelatnosti -
dostavlja se**

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst Prijedloga Zakona naučnoistraživačkoj djelatnosti, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov Prijedloga Zakona o naučnoistraživačkoj djelatnosti (u daljem tekstu: Zakon) je pravilno utvrđen.

Prijedlog Zakona je, nakon izvršenih konsultacija sa Sekretarijatom, usklađen sa Ustavom, pravnim sistemom, kao i sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Shodno naprijed navedenom, stekli su se uvjeti za davanje mišljenja shodno članu 31. stav (1) tačka a). Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11) i upućivanje Prijedloga Zakona u dalju proceduru.

Dostavljeno:

1 x Naslovu,

1 x a/a




SEKRETAR

Berjana Aćkar

OBRAZAC IZJAVE O FISKALNOJ ODGOVORNOSTI

A1. Obradivač propisa			
Naziv obrađivača	KOD	Ministarstvo za obrazovanje, nauku, kulturu i sport	
Razdjel	22020001	Naučno-istraživačka djelatnost	
B2. Osnovni podaci o prijedlogu propisa			
Vrsta propisa/akta	Zakon	DA	Odluka
	Uredba	NE	Drugi akti
Naziv propisa	Zakon o naučno-istraživačkoj djelatnosti - Prijedlog		
C3. Izjava o nepostojanju dodatnih fiskalnih efekata predloženog propisa			
Prijedlog Zakona o naučno-istraživačkoj djelatnosti neće zahtijevati dodatna sredstva iz Budžeta Zeničko-dobojskog kantona. Napominjemo da ponudeni prijedlog Zakona predviđa ulaganja u naučno-istraživačku djelatnost u visini od minimalno 0,5% Budžeta Kantona (cca 1.435.000,00 KM na godišnjem nivou), ova sredstva se već planiraju putem budžeta Univerziteta u Zenici - OJ MI "Kemal Kapetanović" Zenica, putem Tekućeg transfera za naučno-istraživačku djelatnost te drugih Ministarstva Zeničko-dobojskog kantona.			
F7. Pečat i potpis odgovornog lica obrađivača propisa		Mjesto i datum	Zenica; 27.07.2017. godine





Broj: 01-02-11641-1/17
Zenica, 14.09.2017. godine

- **ZAKONODAVNO-PRAVNA KOMISIJA SKUPŠTINE
ZENIČKO-DOBOJSKOG KANTONA-n/r predsjedavajućeg i svih članova
putem Odjeljenja za poslove radnih tijela Skupštine - 04-01**
- **VLADA ZENIČKO-DOBOJSKOG KANTONA-n/r premijera Kantona i n/r
sekretara Vlade Kantona**

**PREDMET: Amandman I poslanika Amira Ganića na Prijedlog Zakona o
naučnoistraživačkoj djelatnosti – dostavlja se**

Shodno članu 134. i 136., a u vezi sa članom 139. Poslovnika Skupštine Zeničko-dobojskog kantona-Novu prečišćeni tekst („Službene novine Zeničko-dobojskog kantona“, broj: 7/12 i 12/13), dostavljamo vam na izjašnjenje blagovremeno podnesen **Amandman I poslanika u Skupštini Kantona Amira Ganića na Prijedlog Zakona o naučnoistraživačkoj djelatnosti**, koji je predviđen za razmatranje na 47. sjednici Skupštine Kantona zakazanoj za 20.09.2017. godine.

S poštovanjem!

Prilog: Kao u tekstu



SEKRETAR

Ibrahim Avdagić

Dostavljeno:

1x Naslovu

1x Svim poslanicima Skupštine /**05-03**

1x Ministarstvu za obrazovanje, nauku, kulturu i sport Ze-do kantona, *n/r ministra*

1x U predmet **47. sjednice Skupštine / 05-03**

02/14.09/17

[Početna stranica](#)
[E-pošta](#)
 Svi ▾ Pretraživanje

Pretraživanje pošte

Pretraži web

Početna



Sastavi



Arhiviraj

Premjesti ▾

Izbriši

Neželjena pošta ▾

Što vam se ne

 Dodajte Gmail, Outlook,
AOL i druge račune

Ulazni pretinac

Skice

Poslano

Arhiva

Neželjena pošta

Smeće

▾ Pametni prikazi

Važno

Nepročitano

Označeno zvjezdicom

Osobe

Društvene mreže

Kupnja

Putovanje

Financije

> Mape (14)

> Nedavno

[Bez predmeta]

Amir Ganic <ganicamir@yahoo.com>

Danas u 14:10

Prima sekretar skupštine

Poštovani,
u attachmentu Vam saljem amandman na Prijedlog zakona o
naučnoistraživačkoj djelatnosti.
Molim da mi potvrdite prispjiece mail-a i korektnost predloženog
amandmana
s postovanjem
prof. dr Amir Ganic

☐ Uvredljiv je

☐ Ometa me u ra


☐ Nije relevantar

☐ Nešto drugo

Zašto mi se prikazu



prijedlog..docx



Odgovori
 Odgovori svima
 Proslijedi
 Još

Kliknite da biste Odgovori, odgovori svima ili



Pošalji



**Zastupnik u Skupštini
Zeničko-dobojskog kantona
Prof. dr Amir Ganić**

**SKUPŠTINI ZENIČKO-DOBOJSKOG KANTONA
n/r predsjedavajućeg**

Predmet: Amandman na Prijedlog Zakona o naučnoistraživačkoj djelatnosti

AMANDMAN I

Član 14. stav (3) tačka a) Prijedloga Zakona o naučnoistraživačkoj djelatnosti, mijenja se i glasi:

- a) šest članova istaknutih naučnika s akreditovanih visokoškolskih ustanova ili naučnih instituta, pri čemu se treba voditi računa o zastupljenosti temeljnih naučnih oblasti:*

Obrazloženje amandmana

U današnjem poimanju nauke i naučnoistraživačkog rada intencija je i poodavno praksa u razvijenom naučnom svijetu da ova problematika nema bilo kakve barijere, a posebno se to odnosi na geografsku omeđenost naučnog djelovanja. Samo nauka i naučni rad koji podrazumijeva sveobuhvatnost i multidisciplinarnost može u konačnici da daje adekvatne rezultate i rješenja.

Mišljenja sam da nije dobro da se, kako je to navedeno u Prijedlogu zakona, članovi Vijeća za nauku biraju samo sa područja Zeničko-dobojskog kantona. Zašto nebi mogli u isto Vijeće da budu izabrani i naučni radnici sa drugih visokoškolskih i/ili naučnoistraživačkih institucija iz Bosne i Hercegovine (a koji eventualno imaju mjesto prebivališta na području ZDK), posebno iz naučnih oblasti koje nisu dovoljno zastupljene na naučnoistraživačkim institucijama sa ZDK.

S poštovanjem

Podnosilac amandmana:

Prof. dr Amir Ganić